

光緒山西通志

巡幸記

記一

山西通志弟八十

賜進士出身頭品頂戴兵部侍郎兼都察院右副都御史巡撫山西提督軍務

旨監修

四巡之典肇見虞書遊豫之文播爲夏諺帝王省方問俗不憚躬勞芟涉凡以勤求實政宜達羣情胥一世而躋之仁壽之寓也山右虞夏故都近同輔郡而五臺又以清涼佛界著名經典震耀遐荒

國家綏柔蒙古特興黃教宏啟宗門籍資控馭用是中外又安邊民享昇平之福者踰二百祀蓋自我太宗文皇帝平定察哈爾奄有遼金故疆我

聖祖仁皇帝躬率六師三犁漠庭瀚海南北履同戶闡然後展義示度觀民設教江浙秦豫

上卷通志卷之十一
高宗純皇帝
遼輅時巡而清涼五頂以近鄰郊圻歲或再至懷柔最先所以
迓休祥而普樂利者典尤鉅焉

高宗純皇帝

仁宗睿皇帝式遵

祖烈隆舉上儀行慶施惠先後輝耀邊隅父老迄今嚙望謹思
猶能稱述其盛而內外藩部頂禮膜拜瞻象教而效嵩呼者
恆遍山谷醲化翔洽曠古未聞蓋

聖人之智慮若此其宏遠也爰稽

巡典序次年月而記自塞外

駐蹕始其間加惠晉土如錫賦資金優老纈才諸舉形於

詔諭者類皆外史所得備書用以昭示來茲相與蹈詠於無窮

亦邦人志也正不徒簡編之榮矣

太宗文皇帝天聰六年四月

親征察哈爾其汗林丹西遁遂移師

駐蹕歸化城土默特部落悉降

上諭其部長古錄格等曰爾等所守城小濠狹勢難禦侮宜於城外建築層垣以資捍衛工竣之日內城外垣嚴加防守敵自不敢窺伺矣皆拜伏林丹走死打草灘班師尋以貝勒岳脫駐守歸化城

天聰八年七月

上親率大軍由宣府西略八月甲戌

上闔大同城癸未至左衛城南

駐蹕閏八月班師

聖祖仁皇帝康熙二十二年二月壬辰

幸五臺山建上祝

太皇太后延壽道場

親臨五頂丙申

回鑿至長城嶺西路遇一虎射殪之名其地爲射虎川是日

駐蹕龍泉關

諭山西巡撫穆爾賽等曰五臺繁峙靜樂崞縣等處地瘠民貧爾等既膺簡用必持已廉潔恪共職業務期利興害除使民各得其所方副朕委任之意不然罪有所歸矣九月

上奉

太皇太后幸五臺山

上過涿州以長城嶺山徑險峻先往親視所修道路命裕親王福全恭親王常甯隨

太皇太后駕行

諭扈從各官凡經過地方不許隨從人等借名市物擾害小民
犯者並其主罪之至曲陽縣以行近五臺戒扈從人等勿射
生

太皇太后駕至長城嶺

上侍左右親督校尉及隨從人等前後扶行懸嶺路數盤山勢
巉崿險隘殊甚

太皇太后諭曰嶺路實險予及此而止積誠已盡五臺諸寺應
行虔禮者皇帝代我行之猶我親詣也

上下馬受

命躬送

鑿與遠龍泉關仍命裕親王福全扈行

上瞻禮五臺諸寺發白金三百兩縣三百斤命有司分給所過
地方貧民二十三年三月

上諭大學士等曰朕前奉

太皇太后詣五臺山觀覽山川形勢一一親歷其地每臺各製
碑文今錄出繙釋滿書與漢書並勒於石朕所撰碑文一時
結構爾等可與漢大學士等詳加勘酌近見漢人自負才高
每一文出不容人點竄此習俗之可鄙文之所以不工也大
學士明珠等奉曰

皇上聖學天縱睿藻夙絕出入經史臣等豈能仰窺萬一而謙
讓之懷尤爲古帝王所不及

上曰文章貴於簡當可施諸日用如奏章之類亦須詳明簡要
明朝典故朕所悉知其奏多排偶蕪詞甚或一二千言每日

積滿几案人主豈能盡覽勢必委之中官中官復委門客此輩何知文義訛舛必多奸弊叢生事權旁落此皆文字冗穢以致此極也

康熙三十五年

聖祖仁皇帝親巡北邊經理機務十九日

駕發京城出張家口十月至白塔向歸化城設鹵簿該副都統等率官兵來迎老少男婦皆執香擁集路旁跪接其城大刺麻等率其屬排列繡幃作樂迎拜

聖駕於南關駐營四方來朝之蒙古王與福晉等及兵民刺麻各進獻駝馬牛羊食物自歸化城

駐蹕赫圖爾根之南前西路戰勝之右衛官兵皆至上親臨賜食引官兵皆令近前坐徧

賜之雖僕從無遺次日復

賜官兵衣銀食物坐馬遺諸

皇子至右衛軍營重

賜茶酒又徹

御膳分賜官兵十一月至湖灘河朔

率鄂爾多斯地是時河水未凍獨於渡處數里結爲堅冰車馬
坦行駐營時該王貝勒貝子公及其母福晉等悉來朝覲貢
獻駝馬諸物自是

聖駕由河岸而行厄魯特人來降者絡繹不絕

諭歸化城受厄魯特降人完其夫婦給其飲食如有降人分上
人下人各給以白金皮衣有差噶爾丹知部曲潰散遣使約
款復頒

敕諭遣使齎往乃自棟斯垓班師十二月初八日

駐蹕湖灘河朔之南以

御佩橐韃弓矢等物賜大將軍伯費揚古遣赴大軍十二日

駐蹕大同府城

諭戶部朕惟治天下之要惟在乂安民生爲急願欲安民必除寇虐欲除寇虐必事師旅方今寰宇昇平人咸樂業獨厄魯特噶爾丹狂逞邊塞荼毒生靈朕統軍出邊相機勦撫茲回蹕雲中深軫民力之艱用沛特恩以示寬恤康熙三十六年大同府屬州縣衛所應徵地丁銀米著全與蠲免俟噶爾丹殄滅之後朕自沛德音渙敷庶澤爾部卽行文該撫通行曉諭俾咸悉朕惠愛黎元至意次日東行過陽高天鎮皆

駐蹕焉

康熙三十六年二月三舉北征仍分兩路出師

聖駕巡晉及秦就近調度十四日入山西境

駐蹕天鎮衛城遂自大同

西巡經過地方凡有帝王陵寢先賢祠墓名山大川均遣官致祭二十五日至河曲縣李家溝次日至保德州年延驛皆

駐蹕途次山嶺峻險從人輻重難行

上親督近侍協助候其過然後啟行二村舊乏水

駕將至山溝中均有湧泉之異人馬汲用不竭衆咸歡呼以爲聖主臨幸山川効靈二十八日

駐蹕保德州城

諭山西巡撫倭倫朕撫御區宇念切民依故不憚勤勞親歷邊境惟孳孳以靖寇安民爲急茲簡約區從人員從大同一路

緣邊地方進指甯夏因徧察閭生聚及土壤肥瘠收穫豐
歉之狀邊民生計雜糴朕心深用軫惻雖一切供御之物纖
毫_不以累民而乘輿臨幸宜特敷麻澤以示恩恤除大同額
賦已有諭旨豁免外其經過尙嵐州河曲縣保德州所屬地
方並各衛所康熙三十六年應徵地丁銀米迺予蠲免爾卽
行令該管官吏張示徧諭務俾窮鄉僻壤均霑實惠以稱朕
撫育黎民至意次日又

諭山西巡撫倭倫爾居官好家計亦貧特賜爾御用貂服一
襲朕理政事日以民生爲念爾能以朕如保赤子之心保民
卽所以報朕也爾其識之三月初一日遣官祭黃河
聖駕由康家灘渡河

幸甯夏四月

駐蹕喀刺蘇巴克

諭大學士伊桑阿前山西巡撫倭倫以去歲山西數州縣歉收今米價甚貴奏聞朕聞之中懷軫惻扈從大臣侍衛官員執事人自船站坐來之船現有水手若至湖灘河朔後將此船逆流牽挽回至甯夏甚難前曾諭總督吳赫就此船將湖灘河朔積米或五千石或再加多量行裝載交巡撫倭倫派賢能屬員轉運順流而下至保德州此時價減糴於民大有裨益著學士黃茂率同部院司官二員前往侍郎安布祿留此監發米石朔漠蕩平班師向歸化城凱旋外藩蒙古王貝勒貝子公台吉及其母福晉率眾進獻迎賀者所至無虛日送自塞外

回鑿京師

康熙三十七年三月癸丑

上幸五臺山丙辰

回鑾

駐蹕五臺縣城

康熙四十一年二月

上幸五臺山

世宗憲皇帝以貝勒從行庚申

上駐蹕射虎川山西百姓伏

行宮前奏言晉省饑饉蒙

皇上蠲免錢糧又動支倉粟賑濟愚民無以仰報請於菩薩頂

建立

萬壽亭

上不允諸百姓跪獻各種食品

命各取果品少許辛酉

駐蹕菩薩頂

幸中臺西臺南臺諸寺乙丑

回鑾

康熙四十二年十月

上西巡前期

諭吏部兵部朕統御寰區勤求治理鑿與行邁省方觀民眷月
閱視河工自畿輔山東以及江浙地方皆經巡行茲兩河漸
已底績所至之地民生風俗亦因以周知念陝西省爲巖疆
重地當出師塞外時曾經歷其邊境而西安一路未及親蒞
頃陝西督撫諸臣言秦民望幸之心至殷至切合詞陳奏河

南山西巡撫等亦諳切具請乘此冬令農隙之際觀覽民風
詢察吏治簡閱禁旅整飭軍營實爲要務用是輕裝約從詎
吉西巡沿途一切供御皆內廷儲備纖毫取辦於地方卽
偶有市易之物亦飭所司依時價給值不許錙銖抑勒所過
大小官員宜體朕愛民德意勿借詞供億私派閭閻如有背
旨科斂者察出卽以軍法從事地方官不許與扈從人員指
稱交成私相餽遺違者並以軍法從事其扈從人員宜約束
僕役勿使妄行如不遵法紀生事擾民一並從重治罪朕視
民如子凡乘輿所至市廛隴畝宜各安生理米豆薪芻等物
民間照常貿易不必禁止惟慎私挾詐衝突告訐者所告事
不準理外仍嚴加治罪爾等卽傳諭扈從官員人等並行各
賢撫令於經過府州縣城市村莊徧示曉諭俾咸悉朕懷

駕發京師

命給事中御史各一人於扈從後察不法者卽時鎖拏二十二

日

駐蹕太原府

閱官兵騎射

諭山西撫臣曰朕君臨天下四十餘載無一刻不以蒼生爲念近因西省望幸甚切故於冬時農隙減從輕騎由晉入秦入境以來觀風問俗見民生略有起色閭閻之閒俗樸尙簡朕心少慰朕自弱齡讀書往往以不知窮簷僻壤之疾苦爲歎息所以留心於官方凡有往來者必先諮詢民情豐歉偶有失時定加蠲賑且思晉省不通水運歲或不登卽難籌畫雖有州縣存貯之米穀未必實數具在反益不肖有司之虧空

也今歲山西收成頗佳爾等仰體朕愛民如子之至意曉諭民間若歲豐用奢則荒年必致匱乏教之以禮義導之以守法重農務本藏富於民則朕無西顧之憂矣凡朕所歷之處必大沛恩澤其將四十二年以前山西所屬州縣未完銀兩米草盡行蠲免以示朕加惠黎元之念二十五日

駕發太原十一月次平陽遣官祭女媧氏陵至蒲州遣官祭河濱廟及西海神廟由封陵渡過河

駐蹕潼關

康熙四十九年二月

上幸五臺山

命皇太子皇三子皇八子皇十子皇十三子皇十四子從行戊申次射虎川辛亥

駐蹕白雲寺壬子

回鑾

高宗純皇帝乾隆十一年九月

上奉

皇太后幸五臺山戊申

上諭朕此次西巡輿蹕所經兵民歡慶惟念國屨之中不得一體霑恩朕心深爲惻惻著將直隸山西二省本年正月初三日恩旨以後所有軍流以下人犯令該督撫分別情罪請旨減等發落癸丑

駐蹕臺山

諭曰朕臨幸五臺觀風問俗蓋欲周知閭閻利病舉登之衽席之安也山西地方風俗尙爲淳樸朕此次巡行親見民情頗

爲甯輯但敦履之質在民而教養之責在上尤當加意拊循
化導俾登上理撫臣爲通省表率藩臬爲師帥之大員府州
縣等皆有父母斯民之責其各仰體朕心力行實政教養兼
施惟日孜孜罔或怠佚而在小民亦應敦行孝弟崇習禮讓
共爲良民母蹈澆漓彌悍之風以成熙皞盈甯之治朕實有
厚望焉丙辰

駢譯大營

命蠲免五臺縣本年地丁錢糧十分之三

乾隆十五年二月

上奉

皇太后幸五臺山先是十四年十二月

諭曰朕前降旨於來年秋間巡幸五臺由晉入豫省覽中州迴

蹕畿輔近日向導人員回奏稱自太原一路至河南境由太行山麓甚爲崎嶇朕省方巡幸惟取便民若因修治道途重煩民力非朕觀風問俗本意應於春間卽詣五臺至秋間百穀登場後再幸中州至是

駕發京師

諭扈從大臣等曰時屆春融正秋麥紐芽之後幸自去冬至今瑞雪頻霑土膏滋潤漸已青葱入望所有經過地方車馬僕從俱著嚴加誡飭毋得踐踏尋

命蠲免經過地方本年地丁錢糧十分之三丙戌

駐蹕菩薩頂

諭曰朕巡幸五臺所有各道路該撫多已豫備其中朕所未到之處向例不準開銷該部銷算錢糧自應循例辦理朕思先

期既經一體豫備若不準開銷或致扣及伊等養廉殊非體恤辦差人員之意從前直隸辦理此等差務曾特恩賞給銀兩今著加恩於晉省公項錢糧內賞銀一萬兩交與該撫阿里衮通融辦理以補前項諸費之用己丑

上奉

皇太后回鑾丁酉

上諭朕巡幸晉省念切民依特諭阿里衮將該省上年偶被偏災之太原等縣及勘不成災之猗氏等縣詳悉查明應有緩徵帶徵酌擬分數奏聞請旨辦理今據該撫分別查奏請將已成偏災之太原蒲縣所有蠲剩錢糧前經題明緩至乾隆十五年開徵分作二年三年帶完者再展一年開徵等語朕思該二縣旣被偏災僅予展限非朕特恩撫卹之意著將蠲

利錢糧再免十分之三餘仍照原題分年帶完其勘不成災之陽曲榆次徐溝祁縣清源文水長治永甯甯鄉永濟臨晉猗氏榮河萬泉渾源應州廣靈右玉朔州馬邑五寨平定樂平壽陽代州五臺忻州定襄靜樂解州芮城絳州稷縣稷山等三十四州縣著照所請將乾隆十四年民借倉穀原經題明今秋完納者再展一年緩至辛未秋後免息還項此係朕格外之恩該撫督率所屬妥協辦理務使閭閻均霑實惠卽遵諭速行

乾隆二十六年二月

上奉

皇太后巡幸五臺山先是二十五年八月

諭曰明年恭逢

皇太后七旬萬壽欽奉

懿旨五臺顯通寺爲文殊師利道場梵宇琳宮夙昭靈應謁
陵成禮後順道前詣拈香欽此所有應行各事宜著該衙門及
地方有司照例敬謹預備至是

上奉

皇太后恭謁

秦陵禮成遂西巡獨免經過州縣及駐蹕地方本年額賦十分
之三甲午

駐蹕菩薩頂

諭因朕恭奉

皇太后巡幸五臺一切供項俱頒自內府絲毫不以累及閭閻
而除道清塵未免有需民力所有山西經過及駐蹕地方本

年應徵額賦前已降旨蠲免十分之三更念五臺一縣治當
臺地恩施宜優著將乾隆二十四年該縣未完民借緩徵常
社義三倉穀一千四百餘石乾隆二十五年民借常社義三
倉穀四千餘石通行豁免其各屬二十四年夏秋偏災之石
樓陽曲等州縣緩徵各年舊歉銀三千一百餘兩粒五萬一
千八百餘石穀八百餘石亦悉予加恩豁免至夏秋偏災案
內蠲免十分之三該撫鄂弼查明出示曉諭嚴飭屬員妥協
經理務俾小民均霑實惠用示朕愛養黎元有加無已之至
意戊戌

上奉

皇太后回鑾

上諭從前二次巡幸五臺帳殿周廬隨常頓宿今春巡撫鄂弼

於菩薩頂側建蓋行宮並臺麓寺旁添設坐起數楹以備安
憩雖臣子之情各盡其誠而詢其工料所費乃出自伊等養
廉夫朕既不許派累百姓而各官養廉原爲辦理公務及薪
水之資今以捐建行宮則甚不可著於存公項內撥實銀二
萬兩以供鳩工飭材之用

乾隆四十六年二月

上巡幸五臺先是四十五年十二月

諭曰朕於明春二月十二日啓鑾巡幸五臺所有應行預備事
宜各該衙門照例預備至蹕路所經已降旨止就舊有行宮
量加修葺毋許再行添建該督撫等務宜妥協辦理不得踵
事增華致滋糜費以副朕省方觀民之至意至是

啟鑾西巡

諭曰朕此次巡幸五臺所有經過山西地方已降旨蠲免本年錢糧十分之三惟查五臺尙有乾隆四十五年出借未完常平倉穀三千六百八十一石零茲當清蹕時巡宜敷渥澤著加恩將此次未完倉穀全行蠲免同日奉

諭賞給辦差兵丁一月錢糧辛巳至山

駐蹕菩薩頂行宮甲申

回鑾

乾隆五十一年二月

上謁

泰陵

泰東陵巡幸五臺免經過地方額賦十分之三實給辦差兵丁一月錢糧並行宮座落黏補餽飾銀一萬兩癸卯

上諭山西忻代等六州縣上年被有偏災雖經給賑並酌借口糧籽種民力稍紓但該州縣尚有應行緩徵銀米茲當清蹕時巡宜敷渥澤所有忻州代州定襄五臺崞縣繁峙乾隆五十年分應緩徵銀三萬三千九百七十餘兩米三千八百六十餘石俱著加恩豁免以副朕愛惠黎元省方行慶至意又諭伊桑阿奏河東商人呈稱現在恭逢巡幸五臺情殷報効願備賞銀二十萬兩稍抒忱悃一摺該商等情詞懇切姑允所請昨面詢伊桑阿據稱晉省辦理五臺差務所有橋梁及黏補行宮座落等項向來例無開銷自撫臣以下至於知府共捐銀八萬兩等語外省大小臣工全藉養廉辦公若令捐資未免竭蹶著卽於此項銀兩內賞給銀八萬兩以作黏補行宮搭建橋梁道路之費不必另捐養廉以一萬兩交章嘉呼

圖克圖分賞五臺各廟喇嘛以爲熬茶念經之用昨經降旨賞給山西辦差銀一萬兩直隸省辦差銀七千兩亦卽於此項銀內撥給各項分賞之外尙餘銀九萬三千兩著交直隸總督劉綏存貯酌量上年被災之順德廣平大名各屬或有應行撫卹接濟需用之處卽行奏明動用至該商等踴躍急公殊屬可嘉著交部照例議敘三月丙午

駐蹕菩薩頂行宮辛亥

回鑾

乾隆五十七年三月

上啟鑾巡幸五臺蠲免經過地方額賦賞給辦差兵丁錢糧如例

諭曰朕向來每遇巡幸所有經過地方並加恩蠲免地丁錢糧

十分之三五臺非清蹕常臨之地此次巡幸駐蹕尤宜逾格施恩用敷渥澤所有五臺一縣本年地丁錢糧著加恩蠲免十分之五其大同朔平二府屬未完糧一萬八百四十八石零和林格爾廳未完米九百八十九石零亦著全行豁免以示朕惠愛黎元省方行慶至意辛卯

駐蹕菩薩頂行宮癸巳

回鑾命於長蘆邁庫撥給直隸山西黏補駐蹕行宮銀二萬兩
仁宗睿皇帝嘉慶十六年三月

上謁

西陵畢巡幸五臺山免經過地方及五臺縣本年額賦十分之
三山西全省州縣本年額賦十分之二賞給修理廟宇行宮
銀二萬兩辦差兵丁一月錢糧閏三月巳卯朔

山西通志卷八十一
巡撫司
十五
駐蹕臺麓寺行宮

諭曰朕鑿輅臨蒞五臺道旁老民婦靡眉皓首瞿鑠歡迎洵爲昇平人瑞著地方照恩詔之例分別賞賚庚辰

駐蹕菩薩頂行宮

諭曰朕此次巡幸五臺山西及各省士子迎鑾獻冊詞采可觀所有入選之李雲棟亢勳范奉初任齊賢蘇于沛郎汝琦王克昌王嵩年楊蔭源程志洛李堂棟于錫田王大淮龍汝言吳敬恆姚崇之李振榮賈獻珍錢械楊鎮源夏儀著加恩各賞給小卷五絲緞二件其次入選之張棣賈克慎衛拜處張甲募郭安鈺陳文治李孟喬郭廷璋王省山陳延標郝臺魁張之煦秦嘉謨劉汲胡澄崔墳劉天民陳鳳翰于鼎培著加恩各賞小卷甯綉一件又

諭曰朕此次巡幸五臺士子近鑿獻賦除加恩召試外并宜嘉惠儒林用光黷序所有山西通省入學名數著增廣一次大學五名中學四名小學三名該學政務須秉公甄錄拔取俊髦以副朕省方設教樂育人材至意壬午

御試迦鑿士子清涼山賦

以西巡五臺爲民祈禱爲韻

觀民設教論賦得齊

雨自依旬詩

得期字五言入韻

派大學士戴衢亨吏部侍郎玉麟戶

部侍郎英和刑部侍郎米理光祿少卿盧蔭溥爲閱卷大臣

諭曰本日召試山西及各省迦鑿士子就其文義高下分別錄

取所有列在一等之安徽舉人龍汝言四川舉人張斐然浙

江舉人楊鎮源俱著賞授內閣中書照例補用山西附生李

堂棟拔貢生雷百里廩生段可傳郝臺魁田賀年副貢生崔

墳俱著賞給舉人一體會試其考列二等之郭安鈺亢勳孟

坦劉登鼇魏宣教劉輔廷張之照張湘任曹鳴鑾侯英俱各賞小卷親二件令充文穎館膳錄以示朕省方設教樂育人材至意乙酉

回鑾諭曰朕此次西巡駐蹕五臺聞澤覃敷同活渥惠因思清理庶獄予以自新亦思所宜遠著加恩將山西省軍流以下人犯分別情罪減等發落以示矜恤是日

駐蹕臺麓寺

諭曰山西五臺縣清涼山爲文殊演教之區鑿蹟昭著我

聖祖仁皇帝親臨瞻禮

皇考高宗純皇帝屢次巡幸

鑿幣所臨布閱推恩

天章魏煥典禮常昭康熙乾隆年間節經

敕命詞臣纂修清涼山志刊刻頒發惟歷次

巡典尙未陸續全載本年朕初次臨蒞凡行慶施惠各事宜悉

遵

成憲推廣舉行亦宜載諸簡冊用示來茲著交文穎館將清涼
山志一書續輯所有廟宇行宮及經由道途前書所未載者
著該撫速飭地方官繪具圖說咨送該館辦理欽此尋館臣
董誥等奏查清涼山志恭載

高宗純皇帝五次巡幸

聖製詩文惟六次未經載入今遵照前例敬謹纂就以成完書
皇上啓鑾至駐蹕清涼其間謁

陵閱武備俊諸大典有前志所未備者謹擬纂爲

西巡盛典從之

附錄通禮凡

時巡省方

命下禮部具儀以

聞乃宣布諸司及

巡省之方豫期供備其地方大吏飭文武官屬敬修乃守考
乃職事無敢不敬戒

駕所經行守土官陸治橋梁道路水備舟楫以俟

特命扈從大臣等護視田野青苗禁踐踏者稽察馭車舟楫
禁隘道爭出者皆出郊先發屆時

皇帝御征衣乘輿出宮導從扈衛如常儀鼓吹振作鹵簿前
導扈從王公各官咸跪候過乘騎隨發

駕出郊鑿儀衛校韜鹵簿

御前張黃龍曲蓋領侍御內大臣率侍衛佩弓矢親軍二十人執豹尾槍前後朔衛豹尾槍後扈從諸王貝勒貝子公爲一隊次公侯伯以下文武各官爲一隊次八旗官軍依旗爲隊每隊齊馬首按部就班從人輜重隨後扈從次第進發鴻臚寺官預傳百里內守土文官率紳士耆民武弁率本軍肅隊於

御道右百步外列

駕至跪迎候過輿隨至

行宮行禮

鑿輿既啓有司豫庀

駐蹕行營重城張幔殿黃幄五里外遠斥堠八旗護軍布幕環列於護軍之外皆以

御營爲向

駕至詣

行營王公離東旅百步內下馬從大臣羣官百步外下馬
從均候

宮門前奏事如常及夜嚴鼓侍衛率禁旅分番巡五漏交
外營從官衛士聽角聲治行裝尊食陸續前發扈從王公
大臣豫至

駕所由旌門外道右按翼序立內大臣侍衛於

宮門前序列辨色

皇帝御輿出宮胡衛如儀衆騎從地方文武官跪送道右如
初迎禮

御道所經名山大川及歷代帝王名臣忠烈陵寢祠墓在三

十里以內者

行在禮部奏遣扈從大臣各一人齎香帛致祭如儀將至
巡省之方將軍總督都統巡撫總兵官出境奉迎提督學政
布政使按察使道府以下州縣以上文官副將以下守備
以上武官於本界奉迎皆蟒袍補服恭俟道右

駕至跪候迺與隨行至

行宮紳士耆民隨守土官後跪迎翼日望秩於方岳及祭
告古昔帝王功德隆重者先聖先師皆

親詣行禮境內山川先賢名臣忠烈祠墓遣官致祭並如儀
駐蹕行宮日

觀地方大吏察其所屬能否而黜陟之
請問民生利弊隨宜興除

召試陳詩進獻之士量授以官廣泮宮取士之額以勵文風
親閱方鎮重兵將備材武軍士技勇以講武事所過府州
縣蠲免正賦訪問耆老凡男婦七十以上者

賜銀米有差

省方禮畢乃以

回鑾吉日宣示在京羣臣

聖輿旋蹕地方文武大吏率屬跪送如迎禮

附錄各志清涼山志康熙二十二年

聖駕臨山各寺發金建上祝

太皇太后延壽道場

親臨五頂各剎拈香菩薩頂各殿陳供金銀龍緞香燭哈達

於佛前祈祝

太皇太后萬壽無疆

特賜清涼老人龍袍貂座衣靴等件

御筆斗室匾額大刺麻二員龍袍衣靴緞匹外格隆每眾蟒

袍緞匹

御晏大眾

賜米千石

駕幸中臺

特旨面諭大刺麻各寺住持並地方官員禁止砍伐山廠樹

本

鑿輅東回隨差偏峨佛保領各匠役到山寺度量尺寸以便
賜匾與幡四月發帑金三千兩重修五庫臺頂九月

聖駕復幸臺山仍

駐蹕於菩薩頂度修道場三日五頂拈香各剎禮佛掛匾揚
幡度供香燭茶果哈達給每處銀二百兩菩薩頂特供
金銀珠寶纓絡龍緞幡匾頂綬香燭茶果哈達銀一千
兩上祝

太皇太后萬壽無疆是時西臺頂菩薩現瑞祥光五色儼然
有像是日

賜銀一千兩修建澡浴池華嚴巖清涼石三處
頒賜大刺麻龍袍內緞金銀

御宴格隆每眾給蟒袍錦緞康熙三十七年二月

聖駕幸清涼山

特賜菩薩頂供銀千兩大刺麻龍袍彩緞

勅封清修禪師仍提督五臺山番漢大刺麻事於臺麓寺供

內造佛像三尊

賜大刺麻龍袍綵緞格隆班第二十五眾月給俸薪諸項照
菩薩頂例發帑金三千兩重修碧山殊像寺 乾隆十
一年九月

高宗純皇帝臨幸臺山供奉菩薩頂並臺麓寺佛前

御書心經佛塔各一軸墨刻心經佛塔水月觀音童子觀音
各一卷墨刻金剛經佛塔各一軸供奉羅垓寺玉花池
壽甯寺般若寺鎮海寺七佛寺法祥寺三泉寺墨刻心
經水月觀音童子觀音各一卷菩薩頂供奉鍍金鑲嵌
壇城鍍金菱花盤彩漆挑桿八吉祥法瑯把蓋花瓶荷
葉椀黃羅寶蓋臺麓寺供奉銀八寶鍍金菊花盤各寺
香銀五百九十五兩

恩賞菩薩頂刺麻克食蟒袍蟒緞珠子貂皮老格隆等蟒袍
十七件衆僧銀五百三十餘兩瓢珠一百八盤哈達二
百二十塊臺麓寺刺麻蟒袍緞子衆僧蟒袍六件羅睺
寺住持老格隆等般若寺壽甯寺鎮海寺七佛寺住持
等各賜蟒袍有差乾隆十六年二月

駕幸臺山供奉顯通寺等香鐙銀一百九十兩二十六年
駕幸臺山供奉菩薩頂佛前

御書心經佛塔一軸糝金無垢文殊菩薩二尊糝金儒童文
殊菩薩一尊各寺香銀三百餘兩

恩賞菩薩頂札薩克刺麻克食大緞貂皮典器格隆司規宮
用緞各一匹溫齋格隆彭緞各一匹念經僧銀二百六
十餘兩衆僧哈達二百二十塊臺麓寺湧泉寺羅睺壽

甯各寺刺麻等官給大殺宮用緞有差

五臺縣志臺山名利在五頂者爲顯教寺望海寺法雷寺普濟寺靈應寺在菩薩頂者爲大文殊寺在臺懷者爲顯通寺殊像寺羅喉寺廣宗寺壽甯寺其外有碧山寺湧泉寺棲賢寺鎮海寺白雲寺皆建自前代

國朝發帑重葺物給價工給值未嘗少藉民力惟射虎川臺麓寺爲康熙二十二年臣工籲請建立者仍發帑金三千一百八十兩成之設大刺麻一員格隆班第二十五畝焚修香火地去臺懷五十里有翻寄齋爲

鑿輅入山棲止之所寺內碑記二通悉

御製文也前記曰五臺峙京邑之西縣互晉代數州地是爲天下靈區輿境以壯固神京癸亥春二月朕省巡民俗言

陟茲山而觀覽焉去臺懷數十里適有虎隱現叢簿間朕
偶御弧矢一發殪之里人歡呼曰是爲民害久矣今鑿與
臨幸而此獸用殛殆天之所以除民災也因號其地曰射
虎川且相率爲浮屠之宮以表厥異旣成襟帶山澤面勢
爽塏重櫨巨棟烏革羣飛與臺山諸名利相映帶稱勝概
焉邦人士重其事請朕製文勒碑以垂永久夫事雖微而
苟有利於民則皆可記以示後嘗觀周禮特命官掌設弧
矢以攻猛獸蓋虎豹鷙戾能戕人害物者必殄滅之仁民
故也朕乘輿所歷偶接於耳目之前爰發一矢斃一獸事
則適然而羣心感悅流傳以爲嘉美其有合於先王服猛
之義也夫故俯順其請因勒斯文用誌巡歷之歲時云爾

謹案通考康熙五十八年八月己未

於騎射哨鹿行獵等事皆自幼學習補有未合式處侍衛

諭近御侍衛朕

阿舒賦爾根卽直奏無隱賦於諸事請願者皆阿舒賦爾
根之功迄今猶念其忠直未嘗忘也自幼至今凡用鳥鎗
弓矢獲虎一百三十五熊二十豹二十五獲之鹿凡數百餘
十場隨便射獲諸獸不勝紀矣朕會一日內射兔三百一
十入若庸常人舉世亦不能及此一之數朕所以屢諭
爾等者以爾等年少宜加勤學凡事未之學而不能者朕
亦不過由學而能豈生而能者乎謹錄之亦以見聖人神
武非臣工頌揚所能罄也

舊通志康熙四十二年

御書

御製賦得綠樹陰濃夏日長詩律排

賜山西布政使永泰又

賜雁平道李毓桂盛夏晚偶成律七晚發古北口望霧雪山律五

二詩遼州知州呂猶龍路河詩三首之一絕七知州陳九

陸西湖再作詩律五平定州知州劉孚嘉禁圍秋舞詩律五

渾源州知州劉顯功詠蟬詩五律翼城縣知縣馬文鏞榴

花詩五絕臨縣知縣李凡雜詩之二七絕沁源知縣柳滋芳

雜詩之一七絕山陰知縣甯朝鼎山中曉色詩七絕高平知

縣梅建詠蒙恬所築長城詩七絕樂平知縣馬光途次逢

寒食詩五絕太原府教授何祖武七絕一首太原鎮總兵

馬見伯詠鶴詩五絕大同鎮總兵張文煥三道河晚望詩

五絕太原營參將鐵金城禁旅凱旋聞雁再作詩七絕撫標

中軍左營遊擊張玉珍詠大石磯詩五律在籍甲戌進士

候選知縣吳時謙克魯倫河雨後草生詩七絕

御書唐宋人詩

賜汾州府知府沈甯太原府同知戴天佑汾州府通判韓

藩沁州知州王天錫代州知州滕天憲交城縣知縣張

丙厚齊陽縣知縣劉應熙孟縣知縣俞欽五臺縣知縣
方正堪崞縣知縣馬邁在籍守制按察使于準各一幅
御書匾額

賜山西按察使巴哈布清慎勤冀甯道高啟桂彰有德雁平
道李毓桂冰霜志平陽府知府秦棠滄素太原鎮總兵
馬觀伯三軍挾纊大同鎮總兵張文煥建牙統眾在籍
郎中梁欽構引年丁未進士范鎬鼎山林雲鶴太原縣
九十一歲生員馬電秀眉

御書對聯

賜布政使永泰遠處塵埃少聞中日月長又玉露方從今夜
白金風初向此宵涼解州知州王國柱雲間東嶺千重
出樹襄南湖一片明霍州知州李紹祖日色纔臨仙掌

露香煙欲傍，袞龍浮忻州。知州董衍祥，雲移雉尾開宮
扇。日繞龍鱗試，聖顏吉州知。州張燦，間尋綺思千花麗。
帶想高吟六義清，陽曲縣知縣黃應中。雲裏帝城雙鳳
闕，雨中春樹萬人家。榆次縣知縣祖良才，劇暑悲難度。
清秋喜卻回，祁縣知縣高鼎臣。巖邊樹色含風冷，石上
泉聲帶雨秋。清源知縣丁克成，文入妙來無過熟。書從
疑慮更須參，太平縣知縣李清鎧。渭北春天樹，江東日
暮雲。長治縣知縣江國興，雲峰四起迎宸幄。水樹千重
入御筵，壺關縣知縣張逸少。古調詩吟山色裏，無絃琴
在月明中。平順縣知縣徐國琇，朝罷香煙擲滿袖。詩成
珠玉在揮毫，大同縣知縣余崧生。萬物靜觀皆自得，四
時佳興與人同。臨晉縣知縣徐忻，明月松間照。清泉石

上流武鄉縣知縣祝兆麟雲飛北關輕煙散雨歇南山
積翠來五臺縣知縣方正璣金關曉鐘開萬戶玉階仙
仗擁千官

歸綬識略延壽寺在城南門外里許無量寺東康熙二
十五年

聖祖仁皇帝西征駐蹕

賜刺麻唐古或藏經一部藥王經一部珊瑚數珠一盤紅珠
寶石崇福寺在延壽寺百餘步康熙三十六年

聖駕西征凱旋駐蹕於此

賜刺麻大紅羽緞掛一領黃蟒袍褂二領涼冠二頂珊瑚數
珠一盤

聖祖所御甲冑弓矢橐鞬今藏寺中

御製歸化城崇福寺碑記朕維歸化城爲古豐州地山環水互夙稱勝境城南舊有佛刹剌麻拖音葺而新之奏請寺額因賜名崇福寺丙子冬朕以征厄魯特噶爾丹師次歸化城於寺前駐蹕見其殿宇宏麗法象莊嚴懸設寶旛並以朕所御甲冑弓矢藥鞭留置寺中夫朕之親有事於塞外非無故也往者厄魯特與喀爾喀交惡相攻朕憫念生民塗炭道使諭解而噶爾丹追擊哈爾哈竟入掠我馬珠穆泰及命和碩裕親王聲討大敗賊於烏爾布通時噶爾丹盟誓佛前永不入犯乃班師而還後噶爾丹茂夷盟誓復掠納木查爾拖音於克魯倫之地丙子春朕親統六師由中路進剿至克魯倫河賊望見軍容宵遁適朕所期會西路官兵遇於昭莫多大敗之俘斬無算丹木巴哈什哈

等率眾歸噶爾丹跳身走是冬朕復駐師鄂爾多斯剿撫
並用厄魯特人眾絡繹歸命而噶爾丹仍未嚮順丁丑率
師駐狼居胥山麓官軍分道並進噶爾丹計窮自斃子女
就獲餘軍悉平方今中外恬熙邊境生靈咸得晏然安堵
刺麻拖音請建碑垂示永久因書此勒石俾後之覽者知
朕不憚寒暑三臨絕塞爲民除殘之意

朔平府志康熙三十五年西征凱旋十二月初七日出
歸化城入口

駐蹕九龍灣初八日次郡城

駐蹕將軍府初十日次左雲縣

駐蹕生員范澎宅十一日

幸雲岡石佛寺

御書莊嚴法區次日東行

大同縣志康熙三十五年冬十二月自塞外

回鑾十二日

駕幸大同小民扶老攜幼跪迎道左

天顏喜悅聽民瞻仰敬設

行宮於在籍松潘鎮總兵臣高鼎家

御書邊山夙將區額賜之又

賜大同總兵臣俞益謨焜燿虎符匾

御書唐詩二幅

賜大同府知府臣葉九思及大同縣知縣臣周全功

天鎮縣志康熙三十五年十二月十四日

回鑾駐蹕城內貢生羅士庶家

召問此房建自何年木植得之何處士廉同生員羅士智
羅錦奏云相傳木邑南十里許沙梁坡產大木因採用
之其創建不知何年

上又問爾等是何前程讀何經書士廉各以實奏蒙
賜魚酒諸物三十六年二月十四日

西巡經天鎮仍
駐蹕焉

朔州志康熙三十六年二月二十一日西征厄魯特道
經馬邑

駐蹕城外二十二日

幸金龍池唐將軍尉遲恭廟卽日次朔州

駐蹕貢生盧標宅

賜食次日西行

保德州志康熙三十六年二月

上出京自大同由河保一路至甯夏督師征噶爾丹二十八

日

臨幸保德州知州唐文德率合州紳耆迎

鑿於郭家灘五里舖是日

車駕由東門入城

駐蹕於生員陳士宣家二十九日

上御龍舟由鐵匠舖同

皇長子臨河捕魚隨獲金色鯉二尾文德進活魚并梨園

上允充供奉三月初一日黎明

命兵部同鴻臚寺祭河已刻啟行

賜陳士宣白金十兩知州唐文德

御書一幅由南關出至康家灘渡河合州士民送至河濱兒

童爭挽船

王大悅各

賜金有差少填渡河結營府谷士庶猶瞻仰

御輦踴躍呼稱亙古未有云

平定州志康熙四十二年

聖祖仁皇帝西巡自井陘縣至固關以柏井驛水少

命隨行諸臣侍衛官兵人等分隊陸續進發及

駐蹕柏井驛井水早已盈滿處處水泉涌溢鄉導官卽遵

旨移文後隊同時啟行

太原府志十月丁酉

駐蹕巡撫署已亥太原百姓聞將

啟鑿齊集

行宮前懸留

上爲再留一日辛丑

駐蹕祁縣閱太原城守官兵騎射

蒲州府志康熙癸未十月壬子

西巡至蒲州由風陵渡河岸闊處渡河未渡之先衆皆以爲
河寬風大冠從人衆恐一二日內未必能全渡及

上至河岸天氣清朗風波不興且傳諭渡河人勿得攔阻各
隨其便不崇朝而渡畢衆皆神異之

霍州志知州李紹祖性剛洩官廉民胥德之

聖祖仁皇帝巡晉辦理公務爲一內員所窘自刎死霍人誦

關陝新

聖祖大怒立命巡撫監內員赴霍東示霍人呼萬歲聲震山

谷謹案結祖死巡撫鳴禮臣不以奏諭年其事上聞以紹祖使柄自裁言部議鳴禮革職得從寬留在

山西通志卷八十一

山西通志卷八十一

卷八十一

三十一

荒政記

記二

山西通志弟八十二

山西通志弟八十二 巡撫山西督軍務張煦奏
旨監修

國家愛養黎元惠保無疆晉居近畿最先罹有間遇水旱

聖慮必及仁施所逮立召祥和從未有災祲類仍幾遍全境若

丁丑戊寅之甚者也

皇上痾瀝念切疊沛殊恩發帑截漕破格賑恤蠲除至於三年

協濟徧及十省浩蕩之仁千古莫並然猶耗戶口累百萬而

無從稍曠田疇及十稔而未盡闢蓋生計若斯之艱也昔我

聖祖仁皇帝嘗諭撫臣曰晉省不遇水旱歲或不登卽難籌益諄

諄於重農務本藏富於民大哉

皇言事勢所至誠昭若逆觀矣夫尊繩千里之外崎嶇兩年之中

竭千萬之財致粟不能百萬而嗷嗷待哺者數倍過之其不
給之勢無煩再計而決然災民至死不敢爲非卒能保有子
遺安其鄉土者固由

朝廷深仁厚澤涵濡有素亦實一時良法美意足以維繫於
其際也今記自蠲賑以逮捐助善後諸舉類皆實政其以前
偏災有可詳者亦述及焉書曰有備無患誠念臨時補救之
艱力爲先事預防之計起瘡痍餘生而導以反本庶幾乎蠶
蛭遺風不難復也是在撫字之得人哉

賑恤 蠲緩 捐助 善後

上
康熙三年太原苛嵐等七州縣饑發帑賑濟二十年五月

請戶部發京倉米二十萬石運往宣府大同備用六月遣員
外郎穆稱額等往大同賑濟

諭之曰前爾等奏饑民因賑濟又得雨澤不至流移各安其業頃朕復遣人往視人民饑餒流移如故雨澤猶然未降則所云賑濟尙未徧及矣前此姑置不問爾毋自護前非朕知之最悉今往同撫臣賑濟務令饑民得遂其生及作何設法拯救確議奏聞二十九年襄垣長子平順饑發穀四千石賑之三十年以平陽府八州縣被災將五臺崞縣儲米借給是年平陽屬十五縣又貸太原大同二府捐米三十一年夏閩等縣饑將各州縣分儲水價分貸窮民三十七年三月

上諭戶部山西巡撫倭倫奏平定州十一州縣連年歉收米價騰貴民間乏食朕心深爲軫念此十一州縣所欠康熙三十二年錢糧行令該撫查明蠲免并將各倉所貯米穀卽行賑濟毋致流離失所六十年五月

上諭目今直隸山東河南山西陝西麥已無收民多饑餓救民之策不可不急爲籌畫著大學士九卿速行詳議尋發內庫銀五十萬兩

詔左都御史朱軾往山西光祿寺卿盧詢往陝西再派部院賢能官屬隨往每處帶銀二十五萬勸諭富戶照時價糶賣米石並發倉賑濟六月都御史朱疏奏救荒五事一被參司道以下人員從寬留任令養活饑民一令富戶出資協同商人於南省販雜停淮安鳳陽等關米課稅半年一驛站夫虛冒者查實募補一安置流徙饑民一饑民羣聚易生瘟疫交地方官設廠醫治並下部院議行

雍正元年四月

上諭朕臨御以來時以蒼生爲念凡自外省來京之員各處雨

賜豐歉必面加詳詢今致祭華嶽侍讀學士田文鏡回京朕
詢經過地方情形據奏山西平定州壽陽縣徐游縣祁縣等
處雨澤歉少民間生計維艱汾州府屬地方得雨亦未霑足
小民何以存活卽命田文鏡會同巡撫德音率領地方官員
將平定州四州縣饑民速行賑濟務使恩澤實霑撫養得所
乾隆二年四月巡撫石疏奏雨水稀少情形

上曰賑恤事宜務須先事籌畫隨時補救方不致有流離之餓
殍若待成災始行查看其何以救吾民耶九月

上諭朕聞山西地方有秋禾被旱之處米價騰貴民食惟艱已
諭令該撫加意賑恤今據奏稱現在委員查勘辦理散賑賑
災關係民生必須周詳迅速方有裨益絲毫不可輕忽著侍
郎孫國璽速行前往會同巡撫石麟督率所屬官員實心經

理務使貧民均霑實惠毋使一夫失所其平糶緩徵蠲免各事宜該撫照舊例速議奏聞尋會奏查明荒歉情形奉

上諭如是辦理甚是第銀米兼賑之議朕不以爲然何則因饑荒而賑米則民無菜色米聞因饑而賑銀者也若有米穀之可買則無庸官爲賑濟矣且貪官蠹役從未有冒銷米穀者若聽其銀米兼施則取之甚易而查之甚難非計之得也若倉中米穀缺少或可另爲通融而又奏稱倉穀儘敷賑恤豈汝等未之思乎抑別有難辦之情節乎其速明白回奏十年八月巡撫阿奏曲沃等十二州縣賑災情形

上諭覽所奏賑之數尙覺過少不無失所之慮仍應加意辦理
十一年二月

上諭山西大同等縣去年偶被秋災經該撫查明分別題請賑

恤朕已降旨允行今恩大朔等屬地瘠民貧近處邊陲較之他處更爲寒苦其被災各屬賑期俱至三月爲止今歲時逢閏月恐停賑之後正值青黃不接之時貧民餬口無資朕心軫念着將大同懷仁廣靈應州渾源山陰靈邱陽高天鎮朔州馬邑定襄等十二州縣極次貧民俱於閏三月再各加賑一月俾小民不致失所七月

上諭山西蒲州府屬之永濟臨晉虞鄉猗氏四縣絳州所屬之垣曲縣因上年冬雪稀少今春得雨稍遲麥收未能豐稔該撫奏明借糶兼施惟是今年遇閏去秋成尙遠該縣等去歲收成歉薄今復二麥失收民食未免艱難著將此五縣乏食窮民咸予撫恤一月口糧折給銀兩俾資接濟隨經調任巡撫阿奏請撥動司庫銀二萬六千七百餘兩借給貧民撫恤

老弱奉

旨允行尋免徵還是年修大同等八縣城垣代賑安插歸化城
就食貧民十三年八月

上諭據調任山西巡撫準泰奏稱陽曲縣所屬楊家堡高家巷
口蒲州府所屬之永濟臨晉虞鄉猗氏四縣大同府所屬之
陽高縣及口外善岱一處均因雨澤未透被有偏災又鳳臺
五寨馬邑三縣各有雨中帶雹傷損秋穀處所現在委員查
理等語地方偶被偏災雖輕重不等不可不加意撫恤免致
貧民失所準泰現調任起程前赴山東著護撫李敏第將被
災處留心體察督率所屬按照分數詳審查辦務使無溢無
遺災黎均霑實惠十六年六月

上諭山西澤州府屬之鳳臺高平二縣五月中山水驟發漂損

田莊該撫阿思哈現經照例撫恤水退業多補種但秋成之期尚遠被水窮黎未免拮据著加恩於常例外再給一月口糧以資接濟十七年十一月

上諭今年山西蒲解等屬秋禾被旱其勘明成災僅止五分者定例不在賑恤之列但距麥收已踰數月時屆隆冬小民謀食未免拮据著格外加恩將聞喜榮河解州萬泉芮城各州縣被災五分之處一體撫恤一月口糧於十二月初旬開賑俾度歲不致乏食以示軫念貧黎之意二十三年三月

上諭山西交城等四十八州縣秋收歉薄已降旨將民欠倉穀分別緩徵矣其中太原府屬之崞嵐州嵐縣保德州及所屬之河曲縣四處僻在邊隅商販罕至又因連歲歉收民間已鮮蓋藏官倉貯積亦屬有限糶借未免不敷當此青黃不接

之時小民生計維艱殊堪廬念著加恩再借給兩月口糧按照定價折給銀兩二十四年九月

上諭晉省各屬今歲夏秋間有偶被偏災之處現據該撫照例查勘題報所需撫賑口糧例應本折兼給該省被災之後時價不無稍昂所給折色著加恩每石折銀一兩六錢俾買食充裕以示體恤三十四年陽曲等二十九廳州縣旱貸種如例三十八年七月

上諭據咨保等奏稱歸化城之八十三村蒙古等地被水成災在六分以上請計其人口借給粟米限二年照數交納等語著照所奏於歸化城廳倉內動支粟米借給被災之土默特等以資接濟五十年五月

上諭農起奏查勘太原汾州沁水遼州臨州平定州所屬各州

縣從前雖俱缺雨嗣連得透雨數次甚爲優渥麥收尙好秋糧播種俱已出土數寸並未成災惟查各屬地方前次借糶倉穀將已辦竣目下雖經得雨秋收尙早所有太原汾州等屬應照歉年減價二成之例再將倉穀酌量續糶其平陽蒲州等屬麥收較歉應請於減糶之外再行酌借口糧並將本年錢糧緩至秋後等語平陽蒲州等屬麥收既歉著卽賞恤兩箇月口糧餘照所請速行分別平糶酌借緩徵以資接濟而紓民力七月巡撫農奏陳代州崞縣繁峙五臺忻州定襄六州縣水災並雹傷情形

上諭代州等六州縣地處滹沱之濱兩岸驟被淹浸雖屬一隅偏災但該處地勢高寒節候較早現在被水村莊卽經涸退恐難播種晚秋閏生計必窮據農起現在親赴查勘著將

坍塌房屋淹斃人口查明確數先行撫恤其沙壓水浸雹傷地畝不能補種秋糧者仍著該撫確查被災輕重酌給賑恤俾災黎均霑實惠無致一夫失所以副朕虛念偏災至意五十二年大同府屬旱賑濟如例五十三年正月

上諭上年大同府屬各廳州縣被旱成災節經降旨令該撫實力撫恤分別賑濟毋使一夫失所第念今春正賑已畢青黃不接之時民食不無拮据著再加恩將豐鎮應州源州應州大同天鎮懷仁山陰陽高廣靈等九廳州縣極次貧民再行加賑一箇月其被六分及勘不成災村莊並被霜較早收成稍歉之左雲右玉二縣貧民酌借一月口糧以資接濟該撫務須督飭所屬實心經理俾災黎均霑愷澤以副朕惠愛閭閻用普春祺至意五十九年七月

上諭蔣兆奎奏山西代州及所屬之五臺繁峙等縣自六月二十三四至七月初七八等日大雨連縣山水陡發多有衝塌房屋淹刷地畝損傷人口現在馳赴該處督率履勘等語夏間雨水稍多各處山水多有漲發今代州及所屬之縣居民田廬亦因被水淹浸人口致有損傷情殊可憫現據該撫奏攜帶銀兩親身前往督率撫恤著卽詳細查明所有衝塌房屋淹斃人口均按例加兩倍給與賞卹銀兩俾資口食棲止又奉

諭該州縣地畝被水淹刷難望有秋其乏食貧民著卽先賞給一月折色口糧聽其自行買食以資接濟本年應納秋糧概行豁免著蔣兆奎卽先行出示曉諭俾各安業仍速行勘明災分戶口分別加賑及酌借籽種口糧等事實力撫恤其固

開以外平定州所屬被水地方已早經有旨令蔣兆奎確查妥辦一體給予賞卹

嘉慶六年六月

上諭伯麟奏查明長子長治二縣被災情形分別撫恤一摺據稱二縣被水共三十八村業經查明乏食貧民概給一月口糧並分別借給糧石籽種民食不致缺乏又據奏省東之平定州及省西汾州府屬之汾陽縣俱因夏雨連縣有淹損田禾之事分飭各員上緊查勘妥爲撫恤其省北代州等十二州縣災賑事宜現在該撫親往次第挨查等語該撫務當實力撫綏並嚴飭各員確切履勘事關民瘼不厭周詳加有應行賑濟蠲緩之處卽據實續奏候朕加恩不可稍存諱飾十五年五月以旱發倉穀平糶二十四年三月以解州等二十

四廳州縣上年歉收撥倉穀平糶

道光七年九月貸薩拉齊定襄諸各廳縣災民倉穀八年四月貸代州等二十四州縣歉收倉穀九年貸朔州等二十三州縣歉收倉穀十二年八月給朔州水災貧民口糧貸山陰及大同二縣災區豐鎮等六廳州縣災民倉穀十四年賑岳陽等十二廳州縣歉收民屯十五年陽曲等十州縣被災分別貸給倉穀口糧籽種十六年九月賑朔州等十一州縣十七年二月貸吉州等七州縣倉穀十八年貸平定五州縣災民口糧籽種遼州等十三廳州縣上年歉收倉穀二十一年貸吉州等十州縣及和林格爾廳歉收倉穀賑薩拉齊廳及河曲縣災二十二年十月給保德三州縣災民口糧二十四年貸大同等三縣被災籽種平定等十一州縣歉收倉穀賑

汾陽縣水雹災二十五年三月貸忻州等十七州廳縣歉收倉穀二十六年三月貸平定等九州縣歉收倉穀十一月賑垣曲縣災二十七年貸解州等十五州縣倉穀二十八年貸甯遠等四廳縣災民口糧籽種吉州七州縣歉收倉穀

謹案災賑之要有三借給倉穀是爲賑貸以救稍貧減價平糶是爲賑糶以救中貧設廠散粥或銀米兼施是爲賑濟以救極貧周官荒政所以首散財也我朝立法備極周詳成憲所定不遺偏災蓋丁戊以前晉

賑之見於記述者若此中惟康熙壬寅被災頗廣當時至遣重臣發內帑然斗米銀八錢已爲大禮普賑

不過四月用款亦止十五萬

並見舊志其時銀一兩易錢一千斗米錢入百

在今尚不失爲中稔也而記高安相國事者謂發帑五十萬兩截漕四十萬石考五十萬之款乃並山

言是年五月發河南漕二十萬石賑陝西六月截漕
二十萬石儲廣平備賑尤於晉賑無涉載筆者徒欲
張皇其事不惜不逮丁戊百分之一備徵往事以見
事故遂至失實

推恩有自亦足亦觀世變焉

光緒三年三月以太原平陽汾州陽霍各府州縣上年歉收
開倉賑濟五月

上諭前因山西災歉情形經前任巡撫鮑源深奏聞當經準照
所請開倉賑濟會國荃到任後復諭令妥籌撫恤茲據奏該
省上年秋稼未登春夏又復亢旱秋苗未能播種各屬自開
倉放賑飢民就食日多倉穀不敷亟須籌款賑濟加恩者卽
將該省本年應解京餉留二十萬兩採買糧米查明各府
州屬被災輕重分別賑恤八月

上諭前因洗馬溫忠翰奏晉省賑務需款請借撥海防經費以

實接濟當經諭令李鴻章酌量借撥茲據該督奏稱海防經費勢難挪用擬將天津練餉制錢一款易銀十萬兩爲借撥晉省賑款以應急需應如所議著會同李鴻章即行派員前往領解回晉督飭所屬賑實散放嗣奉

上諭

山西亢旱被災甚重河南亦被旱災朝廷軫念窮黎深恐

失所著戶部即行籌撥銀二十萬兩李鴻章再行籌撥銀二十萬兩作爲該兩省賑款山西情形最重河南稍輕所有此次備賑銀四十萬兩著以七成撥歸山西三成撥歸河南賑實散放俾閭閻得甯實惠本屆起運江安漕糧並著截留四萬石由李鴻章會同李鴻章設法運解山西以備賑濟之需至災黎待食孔亟凡有商賈運赴晉豫米石經過地方各該督撫飭屬暫免抽收釐稅期於商販暢行藉資接濟

尋令部撥之二十萬兩全

數解交山西其河南應分之六萬兩尋經直督李奏請變通
一併改由直隸二十萬兩內劃撥
辦理江安漕已截者先撥豫省其晉省在來年江西漕米內
提辦三萬石湖北漕米內提辦二萬石全數撥運

詔從之九月

詔起前工部右侍郎閻敬銘周歷災區將晉省賑務認真稽查
如有辦理不善及營私中飽等弊據實參奏是月巡撫曾奏
呈現辦賑濟章程又奏在省城設立總局籌辦勸捐買糧賑
撫一切事宜並委員前往直隸獲鹿設局轉運糧石未到之
前先行酌發賑銀以資接濟原奏稱晉省山地瘠瘠鮮蔬
藏去秋收成木歉冬雪又稀入
存以後兩澤愆期糧價昂貴民控食草根樹皮情屬可憫
當經飭屬出放倉穀按濟並勸紳富捐資助賑或各屬各村
以救任恤向來省城每年十月起至次年二月止設立南北
飯廠賑濟貧民本年人數甚多經費不敷經前撫臣鮑源保
率司道府縣先後捐廉並勸紳商均各捐助於省城南北兩
關各添粥廠數座每月領粥貧民計三四萬人而關賑粥來

皮在絲二播被商省豆後上稍愛於石務之直輸 甚到所者
草糧銀千種早販地並早仍資速省並先用隸藉恩存用有帑
根運別四省災接方應咸復補固城委經 各資允問賑省緯
可本止五城以濟所賑災黃款日設員派恩撥辦劃奏銀城不
挖年易百每致木產戶節妻無久局分員綸銀理扣清接官絕
扣災幾文銀糧年之口經收如無由赴分疊二又京開辦紳首
日區九省一價陝糧需委成白兩司各在沛十奉餉會由捐城
無既百南兩奇省本用員映夏飭道州奉三萬撥二賑存銀一
糧廣餘地備助荒不賑分整徂令悉縣天晉除海十濟至購處
可爲文方易現早敷教生茲秋改心敦及臣以防萬飭夏米如
購日身敘入在尙民若會據天種經勸歸民三楚並馬未之此
哀父米銀三兩起間下兩陽乾滿理紳化莫成費援查得資其
鴻長須一錢臨楚之由被曲地麥刊富城不劃十天明透業他
福省銀兩一霜澤食該災等燥雜發揚包同撥萬津極雨已處
野南二易千降各尙管分七烈糧冊力頭深河江捐次麥幣可
待災兩錢四透尙來府數十如擬飭將產數外新成民無自截
敷糧零千文未辦省詳行應六如擬飭將產數外新成民無自截
敷缺竊一而留省及詳行應六如擬飭將產數外新成民無自截
造不思百斗資北省核緩先種滿填衆區次督萬諭散南十月
嗟特救餘米多地北辦錢後之罪注需採辦省又紳放荒一初
相無竟文須難方一直糧業苗尙以一買理購戶宮復旱日十
望樹首元錢以亦帶百米報出可期而糧賑賑部捐索尤起

慘不可言。縣令飢寒交迫，立見轉手。溝壑至應，廣於一
選以資賑。兼徑派員前往，直隸獲鹿縣設局轉運糧石。
而飛備各路買糧之員，迅速不及待。地方先行的發限務
使源源接濟。其地帝災重，形迫如能得雨，可望種麥之處。
銀俸得早沐。其地帝災重，形迫如能得雨，可望種麥之處。
農民無力購買籽種，亦酌銀兩委員解交會同地方官查
明賑費散給，其餘未盡事宜，惟有速籌妥商。奉
辦多盡一分之心，或可多救一民之命。云云。
居處鄉奉

命後卽輕裝就道，遍履太汾平蒲澤潞，解絳霍諸府州駐節運

城嗣奉

上諭：現在深秋，距來歲麥收尚遠，仍恐青黃不接之際，小民謀
食維艱。著加恩將山東省本年冬漕撥給山西河南各八萬
石，以備接續賑濟。用示朝廷繫念災黎至意。於是巡撫會以
晉省饑區日多，請將江鄂未提漕米六萬石，悉數撥山西。部
議不果。十月復與侍郎閻合辭劾懇。

特旨允行旋奉

上諭本年山西春麥歉收自夏徂秋未得透雨禾苗枯槁雜糧亦復黃萎小民罹此奇災實堪憫惻所有陽曲太原榆次太谷祁縣徐溝交城文水臨汾襄陵洪洞浮山太平岳陽曲沃翼城汾西鄉甯吉州長治長子屯留襄垣潞城黎城壺關汾陽平遙介休孝義臨縣石樓永甯甯鄉懷仁山陰應州朔州右玉平魯鳳臺陽城陵川沁水永濟臨晉猗氏榮河萬泉虞鄉遼州榆社沁州平定孟縣忻州武鄉沁源代州解州稷縣安邑夏縣平陸芮城絳州稷山河津聞喜絳縣垣曲霍州趙城靈石隰州大甯蒲縣永和和林格爾清水河薩拉齊托克托八十二廳州縣乏食貧民著不分成災分數先行正賑一箇月口糧其被災十分者極貧加賑四箇月次貧加賑三箇

月被災九分者極貧加賑三箇月次貧加賑兩箇月被災八分七分者極貧加賑兩箇月次貧加賑一箇月被災六分者極貧加賑一箇月以贖窮黎該撫卽嚴飭各屬查明戶口覈實給發務使實惠及民毋任胥役等剋扣舞弊餘照所議辦理十一月

上諭閩啟銘會國荃奏遵辦轉運漕糧平糶經費並速辦籌運東漕一摺該侍郎等以奉撥廣東山東漕米及由招商局承辦平糶之糧運費甚鉅請於現辦晉省賑捐之江蘇等省關稅釐金項下借撥銀兩卽在捐款內扣還等語該省運糧辦賑需用緊要著照所請卽由江蘇借撥銀六萬兩安徽借撥銀五萬兩江西湖北湖南四川廣東各借撥銀六萬兩廣西借撥銀三萬兩該督撫卽竭力籌撥徑解晉省閩啟銘等現

派員前往山東商辦接運事宜所有此次撥運東漕八萬石
隨漕輕齋等項銀兩著文格飭該糧道一併照數撥交俾資
運費先是侍郎巡撫山東時庫存銀三百萬乃與晉撫奏請
借撥銀六十萬兩議以三十萬兩分撥河東運城爲購糧平
糶之用東撫文以未能如數籌解奏撥銀十萬兩至是侍郎
將派員買糧周家口復以爲言並請飭嵩武軍分派兵勇自
陝州至襄城一帶沿途照護糧運經東撫復奏添解銀十萬
兩又奏東漕八萬石擬運往河南道口鎮卽由山西委員接
收並奉

旨查照妥爲辦理十二月侍郎閱巡撫會奏晉賑難拘定例擬
酌量變通賑期請至明年麥熟後再行停止賑錢請照例定
米價酌量加增廣設粥廠安集外來飢民添設育嬰堂收養

欽獨幼孩添設恤寒公所掩葬無主尸骸又於省城設平糶
官糧局周恤中貧各戶卽以逐日糶糧錢文兌換銀兩以平
錢價其轉運糧石設立獲鹿東陽關道口鎮清化鎮垣曲什
貼平陽翼城周村曲亭總分各局買備口袋雇寬車馬所派
官紳分別支放薪水衙役亦照章發給工食各情形懇實上
陳奉

旨覽奏均悉卽著督飭官屬妥速辦理

敢輕動帑項均由各地方官捐廉撫恤以除卑放倉穀外未
敢輕動帑項均由各地方官捐廉撫恤以除卑放倉穀外未
自七月初一日起各屬倉庫自開賑起至明年分不接之
舉不若案例給與不過至明年二月間當開賑幸均一律
仍不免於七整悉轉之憂至明年二月間當開賑幸均一律
輕重於八九月間各屬倉庫自開賑起至明年分不接之
看情形再行停止又各屬倉庫自開賑起至明年分不接之
思給糧共計九十萬石現值初大舉賑濟所存石粟
已出洋運餘財兩經奉文辦運向需時日災黎待賑孔急
不能不深採辦自秋徂冬先後派員分赴歸化之包頭甘
肅之甯夏中衛奉天之錦州河南之周家口安徽之六安州

民公最外法就院未於民口中以再際錢大錢之萬若需數
問費要各程食新茂城可以輕採四此十口則糧口長銀千州
之代之屬理者南畿關望十之辦醵糧一每應勢飢更七里正
死爲先人收則門後市延二庖各商價二日酌非民難兩近陽
亡收務煙養添外以鎮活文至糧擬奇交給增搭之必有亦關
所養民輻並設之人設不至於接請貴省米若放粟其零干三
在以間無地埋要莊移煮卽六以者動文時合晉文期再糧餘尖
多期無方無堂三於幣於文錢概放不借僅中不爲加每里等
有誤饒亦主及處大以死幸糶酌存得低銀米以又以石陸採
幸地春養合川恤並南安亡幸糶酌存得低銀米以又以石陸採
方耕辛札付零放門集至小滿減及米不八例價周若十銀五計
向交糶者一備厥幼之自外以六衝各仍至錢北石折銀糧米一則
又以來多照衣辦施委屬廢北年百文米續散半至入兩應斷之
惟行亦於又散督廢門設百文米續散半至入兩應斷之後米雜
植此於捐耕牛緩至裨重赴十來惟庶放方其少不尙錢節而鉅百
日端款內爲力於重赴十來惟庶放方其少不尙錢節而鉅百
見之政提力於重赴十來惟庶放方其少不尙錢節而鉅百
高政提力於重赴十來惟庶放方其少不尙錢節而鉅百
騰登出田尙設廠方迄有飢大免餘矣等易算放宗百價石

續接運並著李鶴年酌派得力兵勇並札地方文武員弁撥
兵役分批護送前進毋稍疎虞會奏以清化鎮遠平陽山路險峻難行專恃驍驍駉駉分
運江鄂漕糧多方設法雇免每月僅數千石已力盡精疲議
將東漕入萬石以三成由道運清化鎮遠入晉專為接濟
濟潞澤兩府所屬而以七成由道運清化鎮遠入晉專為接濟
過洛陽各屬以達晉之平陸縣對岸會興鎮其採買皖豫之
糧亦皆轉運會興鎮為總匯經過河南北各屬其地亦甚
災荒可慮之處甚多由晉省派樹軍撥馬步隊伍移劉大河
兩岸迎護外而南岸地段太長應飭孟津鐵謝鎮又三月十九
日

上諭本日奉

慈安端裕康慶昭和莊敬皇太后

慈禧端佑康頤昭豫莊誠皇太后懿旨晉豫兩省民苦流離為人

上者豈忍稍涉奢侈著內務府大臣督飭司員將宮內一切
應用之需力加裁減約可節省若干迅速具奏但能省一分

浮費即可多一分賑需欽此仰惟

慈訓俯念斯民惟有悔過省愆以實心行實政庶幾感格

吳蒼速降甘澍起吾民於溝壑內外大小臣工亦當仰體朝廷宵
旰憂勞之意恐懼修省共濟時艱方今饑民待哺春賑方殷
著戶部再撥庫款銀二十萬兩分給山西河南本年南漕到
天津者並著截留十六萬石分撥該兩省俾資散放尋

諭內務府上年被災省分民生困苦現在雨澤又復愆期我

兩宮

皇太后宵旰焦勞兩次欽奉

懿旨每日早晚膳裁減用一半並傳用素膳軫念民艱至誠惻怛
該衙門應將一切應用之需力求覈實詳細開單呈覽嗣因
節用需時經總管內務府大臣奏請先行分撥晉豫兩省賑

銀各二萬兩以應急需三月

上諭上年山西河南被災最重疊經降旨發給帑銀截留漕米以資賑濟朝廷軫念災黎困苦情形宵旰未嘗或釋現在時當暮春東作方興該兩省被災州縣尙未據報得有雨澤饑民待賑爲日正長殊深矜憫加恩普再由江蘇安徽江西浙江福建湖北湖南山東四川廣東各省協濟山西河南兩省銀各數萬俾資賑需該督撫卽行籌款撥解用副軫恤災區至意四月

上諭據閩敬銘會國荃奏辦理賑務萬分窘迫請於各該省指定確實數目協濟晉省銀六十萬兩等語現在山西尙未得有透雨饑民待賑爲日甚長亟應速籌接濟著卽由江蘇安徽江西浙江福建湖北湖南山東四川廣東各籌撥銀六萬

兩克期解赴山西以應急需省被災之慘朝廷實深矜憫
所有應行加賑事宜著問敬銘會同萃悉心會商認真經理
毋令失所問敬銘等原捐著鈔給各該省督撫閱看將此由
五百里諭知沈葆楨何璟李瀚章劉坤一丁寶楨吳元炳裕
祿劉秉璋梅啟照郭亨像文格張兆棟吳贊誠並傳諭葆亨
潘蔚崇福勒方鈞知之原奏稱晉省地瘠民貧素無蓋藏
平仰給於秦潞澤道仰給於豫其餘腹州縣無不以解
爲糧之來源去歲秦豫亦被旱荒口外收成連年歉薄
無從由運至此採辦之難也昔中四山皆不通舟楫現
而無由運至此採辦之難也昔中四山皆不通舟楫現
糧運以河前之周家口直隸之滄州山東之館陶有木
可資者爲積便然相距晉界均在千里內外舍舟陸運
極難一分入晉疆則山下徑道偏仄改用馬車運轉
飛輓分入晉疆則山下徑道偏仄改用馬車運轉
非重資無人應募屢蒙恩旨及晉省委員在各
處採買之未往滯於中途難到民之口不得
每經費多設分局節於途致礙口昂用益難去
每經費多設分局節於途致礙口昂用益難去

行以糧既已多費乃比運費反少三數倍銀固日難籌
費尤無所出從前直隸境內經督臣李鴻章防令廣募
絡譯於道盡心力亦苦艱於運轉是則津門外亦有意
丁壽昌費也漸自去夏開賑勉力支持方無改後之憂
足地利堪資乃時夏初不惟災荒至種如前日中
戶派員悉變為待賑之民初購糧石運赴河東藉資
銘派員悉變為待賑之民初購糧石運赴河東藉資
周家口設局轉運原欲隨銀運充運費不能息無如
時勞日艱大違初願所得難立撥充運費不能息無如
轉即從少以入九兩約以西運之糧充運費不能息無如
運費從少以入九兩約以西運之糧充運費不能息無如
迅速輸不取多糧米此又迫於餘萬金不可等但求
也自來區苦困米往不堅匪徒煽惑甚易入之變計
特往事耳刻下積欠年兵練軍月饑或一年或九
不往事耳刻下積欠年兵練軍月饑或一年或九
昂等至少亦欠半年各兵領餉食無多欠之益多
昂等至少亦欠半年各兵領餉食無多欠之益多
苦不設法擲更覺不支此所出防練積欠之益多
畫者一錢權早已停講支款無所出防練積欠之益多
廉俸及一切雜支之不可緩者如軍心不實力者亦
萬餘兩自去冬籌賑以來州縣等官亦多處此
明無不立於參撤其支款亦如民不勤勞卓著之員
量子能亦難望其展布矣近以鼓其氣乃多處此
有賢能亦難望其展布矣近以鼓其氣乃多處此

且民有得力之員因辦賑魚勞過甚至一病不起無以爲斂者
官民交困至於此極各州縣請銀請米並請營備牛具籽種
之粟紛至沓來懇懇危慘痛之詞不忍卒讀望從前部議所
允各省協款早賜惠解持危而免決然亦未可以慰
旦夕之望耳古稱易子而食折骸而髮今日省大災或
子而相食或骨肉以析骸而食豈非人倫之大變哉體
察情形非加賑三四月無從措手臣等每念及此不禁
有地無人他日善後事宜無從措手臣等每念及此不禁
然淚下無他日善後事宜無從措手臣等每念及此不禁
罪獲咎不取惜之思爲無能維持中一問之局無以仰
奉三月聖朝高厚之恩爲無能維持中一問之局無以仰
福建湖北湖南山東四川廣東甘肅江蘇安徽江西浙江
宗應教目寄諭各省督撫再行加協濟各教十萬以
確實數目在各省察賑大局定能共濟時艱一奉
晉民倒懸之厄在各省察賑大局定能共濟時艱一奉
晉民倒懸之厄在各省察賑大局定能共濟時艱一奉
其所以如數籌解三晉幸甚德萬災黎幸甚云云
請借河東道庫各款以資運費

詔從之五月復同侍郎閻會奏晉省得雨較遲春收業已無望

秋禾登場須時察看各處情形懇將賑撫展至八月底再行

停止又奏請將戊寅丁丑兩年所收釐金除支籌防經費外其餘概歸賑務動用又奏上年設立之官糧錢店請展至九月再行酌量裁撤

詔並從之九月會奏平陽蒲州解州絳州四府州併屬及太原府屬之陽曲交城徐溝三縣汾州府屬之汾陽平遙孝義甯鄉石樓五縣澤州府屬之鳳臺陽城沁水三縣隰州屬之大甯蒲縣永和三縣沁州併所屬之沁源武鄉上年被災本屬奇重本年秋禾又復歉收請將賑撫一概展至光緒五年麥熟時候其餘被災各屬於冬杪春初擇要撥給米石酌量賑撫至恤寒公所收養公所與省城粥廠一併展至來年麥熟停止尋奉

上諭山西上年被旱極重疊經撥給銀米以資賑濟本年五月

間接據山西巡撫奏報得有雨澤稍慰廬懷方冀轉歉爲豐
登吾民於衽席乃六月間又遭大旱被災之區仍復不少殘
喘餘生何堪重困今冬明春青黃不接之時深恐飢寒交迫
無以爲生朝廷時慮焦慮著加恩撥給山東漕米十二萬石
以濟賑需卽由山東巡撫督飭糧道提前趕辦務於年內全
行起運毋稍稽延其隨漕輕濟等銀一併先行扣留備用至
運解甚屬不易並著戶部撥給庫銀二十萬兩俾充運費所
有應賑災黎著開敬銘會國奎督率官紳妥爲經理毋任失
所用副軫念民生至意十月侍郎閻巡撫會奏賑糧運費
所短甚鉅懇將河東應解上年並本年京餽二十萬兩一併
展緩作爲轉運賑糧及冬春賑救之需奉

旨著照所請十一月復以籌備東漕運費奏請飭各省協濟奉

上諭據閩敬銘會國荃稱晉省奉撥山東漕米十二萬石分廻
晉南災區賑濟約需費在百萬兩以外無從籌措請飭江蘇
安徽江西浙江山東等五省各撥銀六萬兩湖北湖南廣東
四川等四省各撥銀五萬兩俾資周轉等語晉省賑樹轉運
異常勞費該省款項拮据亦屬實情著照所請卽由沈葆楨
李瀚章劉坤一丁寶楨吳元炳裕祿李文敏梅啟昭文格潘
蔚邵亨豫張兆棟如數籌撥於年內批解赴晉以濟賑需
光緒五年正月

上諭閩敬銘會國荃奏賑糧不敷請將東漕尾數撥充賑需並
請撥山東豆石各招前因山西復被旱災撥給山東漕米十
二萬石以濟賑需此項漕米計至本年二月間卽可放竣該
省飢民甚多麥收又晚青黃不接之時仍恐無以爲生自應

妥籌接濟加恩著照所請所有光緒四年山東經徵漕米應
交通倉之八萬餘石卽行儘數撥給山西俾資賑濟山東前
欠解協濟山西運腳銀六萬兩及此次隨漕經費輕齎等項
雜費銀三萬數千兩著文格一併撥交道員王定安以資應
用至山西因旱歉收豆種尤缺並將山東上年所收豆子二
千七百餘石隨同此次漕米撥給山西毋稍延緩五月巡撫
曾奏晉省接運東漕所設之德州局道口局蘇漕局獲鹿局
楊樹灣局清化局平陽局東陽局什貼局平遙局周村局良
馬局現將賑糧一律運竣次第撤局

賑冊自三年至五年通省各局賑過男女大小以兩小口
折一大口合計貧民三百四十萬二千八百三十三口凡
支發銀一千七十萬三百一十五兩有奇錢二十七萬六

千五百五十七千有奇糧一百萬一千六百五十七石有
奇又動用倉穀兵米豆七十六萬八千三百九十三石有
奇棉衣一十萬三千六百七十五件其民間各願各村分
賑族鄰及三年以前民借倉穀百萬餘石尙不在內收
部撥銀七十萬兩內務府撥銀二萬兩本省丁壯地丁銀
二十萬兩本丁戊兩年釐金銀六萬七千八百八十一兩
錢河東鹽課銀六十四萬三千三百三十六兩五錢八分
借撥天津練餉生息銀一十萬兩並道運各庫銀一十萬兩
下銀一十萬兩輕賣并席等銀一萬二千九百六十一兩
東瀆項下蘇清項下輕賣并席等銀一萬二千九百六十一兩
錢一分蘇清項下輕賣并席等銀一萬二千九百六十一兩
兩八錢二分蘇清項下輕賣并席等銀一萬二千九百六十一兩
分二釐江蘇米釐銀五萬三千九百九十二兩四錢二分
四釐津海關海防經費銀三萬八千九百九十二兩四錢二分
海各關共銀七萬二千三百八十九兩九錢九分
撥各省備款銀九萬七千三百八十九兩九錢九分
捐銀一萬二千五百六十七兩二錢九分
本省捐錢一千二百五十七兩二錢九分
本省捐錢一千二百五十七兩二錢九分
撥江蘇清糧一十萬五千二百八十三石六斗七升三合二勺

石貼太原平遙靈石霍州平陽等處轉運局撥運各糧分
用車價等銀三口清化洛陽等縣樹灣城良馬運
七釐河南道共銀二萬四千元
城等轉運局共銀二萬四千元
百五十一虧本以工代賑製買綿衣等費共銀一萬四千元
理並平糶本以工代賑製買綿衣等費共銀一萬四千元
六萬二千九百二十六元
九百三十九元
城粥廠經費銀六千七百六十二元
省城收養幼孩遺送外路民回籍等項銀五萬六千九百六十二元
役王食等項經費共銀六萬四千六百六十二元
分一省城製備藥料以工代賑等項銀五萬六千九百六十二元
後小文瀾湖三程用銀六千九百六十二元
費銀一萬九千九百六十二元
義倉用東幫辦委員紳士解州等處書院經費及添社
兩省城賑賑總局並派員赴北路勸捐等項銀四萬九千九百六十二元
員弁紳士賑賑總局並派員赴北路勸捐等項銀四萬九千九百六十二元
一兩省城賑賑總局並派員赴北路勸捐等項銀四萬九千九百六十二元
匯費解局用支銀四萬九千九百六十二元
分六省各局用支銀四萬九千九百六十二元
錢二分各局用支銀四萬九千九百六十二元
種共八千九百六十二元

二十八石四斗九升六合一勺兵米豆三千一百六十五年
五月止賑濟窮民並故員家屬寒士等共大米八千
百六十三石一斗五升以工代賑挑河道工糧用小米
四百八十九石一斗五升以工代賑挑河道工糧用小米
五石四斗七升二合四勺省城並什貼手遠等平糶糧一
一十七萬七千八百五十九石六斗一升七合六勺各粥廠二萬
一十萬六千一百七十九件外閩部分撥陝西賑銀二萬
兩 查辦賑以來爲時已踰兩年分賑幾徧通省用款至
一千數百萬兩用糧至一百數十萬石其放賑之久暫給
賑之多寡均視災區之輕重爲準卽設局平糶設廠放粥
以工代賑收養幼孩資遣飢民掩埋卹賞製備綿衣置辦
口袋並官紳薪水工役工食以及各項雜支亦係因地因
時舉辦而運費一項遠或數千里近亦數百里無論船運
車運馱運夫運均照民價願募而正當災疫之時羸馬日
形短少人夫四處流亡民價之昂固已數倍於昔時且民

問願價多係以錢交易而其時每銀一兩僅值千文以故運費之多較他項尤鉅幾居大半云

謹案賑冊所賑饑民約大小口四百餘萬其死亡莫得而稽以戶冊互核計不下千萬誠自來未有之奇慘也而究其被災最重之區實止平蒲澤解絳隰霍諸府州秋禾無成春麥失種太汾潞沁遼平諸處未至大荒忻州以北直達邊外猶不失爲中稔較其情形略與道光丙午相仿卽陝豫並歉亦無甚異乃昔但借倉緩賦不煩公家之賑並無大傷今則發帑截漕至竭天下之財幾於不救豈非時使然歟而亦不得委之氣數者

國家昇平日久生齒益繁地力既竭蓋藏難裕自乾嘉

時已不免仰給鄰省所恃人以商賈爲本計挾黃質
遷無遠弗届又俗尙勤儉工於居積用是日臻殷富
雖有荒歉挹注不窮一自咸豐軍興買道四梗兵燹
所經富既喪賫貧亦失業加以嗜煙成風膏腴之壤
率種罌粟純朴之習流爲游惰是向以一夫之耕供
十人之食者今所食且不止二十人矣向以終歲之
勤有百畝之穫者今所穫亦不過五十畝矣數窮理
極大稷驟糴遂致牽動全省延及鄰封告糴無從轉
糴相繼事勢相因有必然也

朝廷破格撫恤疊沛恩施疆臣多方補救廣資衆力賑
務至此度以復加而事屬創行各處報災旣失限期
又無成案至煩頒程式嚴檄諭審戶需時造冊需時

比達於大府而貧民之死者半矣移粟千里糧不濟
急一入晉疆萬山環阻雇募車馬費更不貲籌款需
時撥運需時比散之災區而貧民之死者又半矣蓋
自七月辦賑直至次年春仲各路之糧始源源而來
極貧固難圖存次貧亦復垂斃其食賑者皆平日操
業稍能自立者也米價斗三四金至是大減人有更
生之慶家懷再造之恩而春夏之間疫復大作厲虐
淹靡連及富室死於賑後者又什二焉雖人事之多
舛貨劫運之未終也直至秋初沴氣盡滌墟里蕭條
炊煙可數農事既興閒民絕少轉移執事三倍常值
比東漕再至無處開銷至於按戶派領輾轉賤售賑
米狼藉於市無過而問者

右賑恤

順治四年五稔旱蝗免本年額賦六年太原平陽汾遼澤五府州被水免其田租十三年大同蠲免其田租

康熙元年州縣被水免災田額賦有差三年太原岢嵐靜樂保德五臺朔平馬邑饑蠲免丁賦四年潞安府屬四縣蠲免額有差請縣旱免三之一其州縣偏災並免田租舊逋悉除六年偏災免賦八年十一年並以偏災分別蠲免十八年蠲免災田額賦有差十九年陽曲遼州霍忻州定襄饑免夏稅之三二十一年以太原大同災民多流亡除逋賦二萬四千四百兩有奇以今年爲始準給復三年二十四年早免災田額賦有差二十七年忻州霍免租三十年旱蝗之七州縣按災分免租三十一年臨晉香免賦三十二年十八州縣水蠲

並免災田租賦有差三十三年三月

上諭戶部山西平陽府澤州沁州所屬地方前因蝗旱災傷民生困苦已經蠲免額賦並加賑濟而被荒失業之眾猶未盡覩幹甯其康熙三十年三十一年未完地丁錢糧及借賑米銀若仍令帶徵剋期完納誠恐閭閻力絀益致艱難著將所欠錢糧五十八萬一千六百餘兩米豆二萬八千五百八十九石通行蠲豁用紓民力三十四年榮河水免賦三十六年以平定等十一州縣比歲不登免今年田賦三十七年保德交城以頻歉蠲免三十八年十一州縣歉收除其逋賦六十年早被災州縣免賦有差六十一年免平陽汾州二府澤沁二州所屬州縣衛所康熙六十年分旱災額賦有差

乾隆二年三月免興縣等四州縣丁糧三年九月

上諭今年山西全省地方二麥豐收秋禾亦稔惟永甯保德二州及河曲一縣麥秋稍覺歉薄今西成之後民力漸舒但念此三州縣有上年停徵之錢糧應於今冬完納者朕念一季之中新舊兼輸間必至竭蹶著將停徵之項緩至明年春夏二季帶徵完納以示朕格外加恩之至意十一年十月

上諭

山西大同朔平二府上年偶被旱災所有新舊應徵銀米緩至今年秋收後徵輸在案現今秋成各有七八分惟是歉收之後民力尙未寬舒且爲數繁多輸將未免竭蹶著將上年成災之大同懷仁渾源應州山陰廣靈陽高靈邱天鎮朔州馬邑并未成災而收成亦歉之右玉左雲平魯等十四州縣所有蠲剩緩徵帶徵及九年舊欠銀米俱暫行停徵統於乾隆丁卯己巳庚午三年內分限帶徵以紓民力十四年太

原蒲縣備災蠲其租賦十五年十一月以大同朔平二府歉收應徵舊欠錢糧米豆並予蠲緩十七年十月

上諭山西蒲解等屬秋禾被旱業經照例賑卹其災地內原未播種秋禾及附近災地得雨稍遲之處應納糧賦定例不在蠲緩之列仍應按限輸將貧民未免拮据著加恩將永濟等十一州縣蠲緩餘剩留種麥地錢糧及平陸河津絳州等四州縣本年下半年未納民賦一併緩至來年麥熟後徵收其平陸等四州縣應行徵半還倉之春借常平義社各糧亦著加恩全行緩至來歲秋收後俾民得以寬裕二十一年緩徵計嵐等十四州縣民借倉穀二十三年以交城等四十餘州縣上年秋成稍歉將民欠常平倉穀及借出社義倉穀分別緩徵又以岢嵐嵐縣保德河曲及大同朔平二屬之九縣連歲

災歉新舊錢糧一律緩徵二十四年閏六月

上諭晉省太原等屬六月間均沐甘霖農民及時起種晚禾秋成可望惟是各州縣內有初夏麥收既歉而得雨之後蒔種多費工力農民未免拮据著加恩將太原榆次太谷祁縣徐溝清源交城文水汾陽平遙介休孝義高平陽城陵川沁水平定壽陽盂縣樂平代州繁峙忻州定襄五臺等二十五州縣本年應徵銀米倉穀緩至秋收後催徵以紓民力二十五年四月

上諭晉省各屬上年間有秋收歉薄州縣一應民借倉穀例應今歲麥熟徵還但該省迤北各麥收俱在六月以後青黃不接爲日正長正需難借接濟若全新舊徵輸民力未免拮据著加恩將陽曲代州崞縣應州懷仁陽高甯武七州縣除成

災村莊民欠新舊倉糧照例緩徵外其未成災並勘不成災之渾源廣靈天鎮左雲右玉平魯祁縣文水等九州縣及秋收歉薄之偏關神池忻州定襄繁峙五臺平定樂平太原太原交城等十一州縣所有新舊民借倉糧俱緩至本年秋後徵收還倉以紓民力三十六年免薩拉齊災區田租三十七年因災免大同朔平二府額徵兵餽米豆穀麥並太原等十四府州及歸化城各屬錢糧十分之三四十五年免太原等十六府州並歸化城各屬牧廠地畝應徵額賦十分之一大同朔平及和林格爾等屬全免五十一年正月

上諭上年忻代定襄等六州縣被水成災業經降旨照例給賑並酌借口糧籽種以濟民食第念春耕肇始青黃不接之時民力不無拮据著再加恩將未完錢糧並春借倉穀緩至本

年秋後徵收又文水縣之西莊等三十三村莊汾陽縣蒲城等三十一村莊確據該撫勘不成災但業經被水恐難照舊輸將所有未完錢糧均著緩至麥熟後徵收以紓民力五十二年三月

上諭山西大同府臨豐鎮等九廳州縣及朔平府屬之左雲右玉二縣土瘠民貧上年被災歉收之後民情不無拮据現距麥收尚早小民輸將未免竭蹶著將所有本年應徵新糧緩至本年秋收後開徵以示朕軫念邊地災黎有加無已之至

○九月復經巡撫海奏請展緩奉

上諭該處甫當災歉之餘其新舊錢糧及所借穀石爲數頗多若同時輸將民力不免拮据所有大同朔平二府屬十一廳州縣新舊應徵並出借籽種共銀十九萬三千四百七十餘

兩穀五二十一萬二千二百餘石加恩分作兩年徵收又各
應州縣尚有應行補買平糶穀六萬六千七百四十餘石亦
若分作兩年買補俾民間易於完納蓋藏益資寬裕五十五
年以災免太原遼州等十六府州並歸化城等處額賦十分
之三其大同朔平及和林格爾等新墾地畝並招種地租豐
甯二應地畝額賦一體蠲免六十年八月

上諭山西蒲州府所屬永濟等六縣因雨水未能霑足致成稍
歉昔按例徵收民力不無拮据所有永濟臨晉萬泉榮河虞
鄉芮氏六縣本年應納錢糧及奏借倉穀均著加恩緩至明
年麥熟後徵收以紓民力該撫督飭所屬實力奉行以副朕
廣念民依至意

嘉慶六年四月

上諭伯麟奏勘明永濟縣被霜情形一摺永濟縣花園下馬頭等村莊麥豆偶被霜損雖係一隅中之一隅但收成稍減民力不無拮据除照該撫所奏現已借給一月口糧並酌借籽種外所有被霜地一百五十餘頃本年應徵地糧鹽課等項共銀一千六百八十九兩零俱著加恩緩至本年麥秋徵收以紓民力十二年五月

上諭前因山西平蒲解絳等府州屬連遭歉歲多有積緩帶徵之款恐民力拮据特經降旨成甯令查各屬有無應需展緩之處卽行奏請加恩茲據查明該省尙有應行帶徵十年分及十一年分下忙錢糧鹽課等語該省上年秋收豐稔本年雖得雨稍遲近已普霽甘澍但究係積歉之區蓋藏有限若令將新舊各項錢糧同時並納恐民力尙有不逮著加恩將

臨汾洪洞太平曲沃襄陵翼城永濟臨晉榮河萬泉猗氏虞鄉解州安邑芮城平陸夏縣絳州絳縣稷山河津聞喜垣曲趙城靈石等二十六州縣應行帶徵十年分蠲剩錢糧鹽課緩至本年秋後徵收其本年應帶徵十一年分下忙錢糧鹽課緩至十三年麥收後徵收俾小民從容交納益臻寬裕用示朕軫念災區至意

道光七年七月蠲緩薩拉齊水災額賦十二年以災緩朔州新舊額賦臨汾等四縣民借倉穀隰州等六州縣一律緩徵十三年三月緩山陰定襄及朔州等五州縣額賦十四年九月蠲緩太原水災新舊額賦五臺災民通穀十五年十月文水太原三州縣以水災緩徵十六年十一月免朔州等十一州縣新舊額賦並通穀緩徵十七年緩定襄等三縣及山陰

苛嵐被災新舊額賦朔州等二十九處州縣歉收通穀十八
年隰州武鄉懷仁山陰均以歉收緩徵並緩渾源等三十七
州縣民借倉穀十九年三月緩徵代州等四十四處州縣通
穀二十年十一月蠲緩苛嵐河曲額賦二十一年薩拉齊苛
嵐被災蠲緩新舊正雜額賦二十二年保德等三州縣被災
緩徵二十三年十月緩苛嵐等七州縣正雜額賦二十四年
八月汾陽等三縣雹災蠲緩有差二十五年九月蠲緩徐溝
和順二縣水雹災田額賦二十六年以災蠲緩徐溝等七州
縣及歸化城三處額賦保德等九州縣未完錢糧二十七年
五月蠲緩吉州等九州縣解州等二十五州縣被災額賦並
垣曲霍災通賦絳州等十一州縣一體蠲緩二十八年三月
緩徵解州等十五州縣通穀二十九年十月蠲緩薩拉齊新

舊額賦

山西通志卷八十二

荒政記

天

光緒三年十二月

上諭曾國荃奏勘明被災之陽曲等八十四廳州縣懇準蠲緩

錢糧一摺本年山西各廳州縣秋禾被旱被雹被霜成災自

應將錢糧米豆分別蠲緩其勘不成災各處收成歉薄若照

常徵收民力亦有未逮若加恩一律停徵各廳州縣有原緩

民欠並著分別蠲豁以蘇民困

內成災十分徐溝縣南關等

十一村石樓縣北義河等五百七十四村臨汾縣張家莊等九

百三十六村臨晉縣明家院等二百七十一村永濟縣張志等四

等三百一十村解州社東等二十七村芮城縣伏龍等三百三

十九村絳州西吳等一百四十五村垣曲縣辛莊等六十五村

絳縣四鄉東河津縣城北等九十七村霍州老張溝等一百三

七分九釐河津縣城北等九十七村霍州老張溝等一百三

十一村靈石縣陳家山等二百四十九村趙城縣磨頭等一

百九十八村徐溝縣免十分之七

成災九分之太谷縣沙溝等

四十九村永濟縣南豐等二十一村蒲鄉縣三交等二百五十

原部縣徐溝臨汾襄陵長治襄垣潞城壺關應州
平定忻州代州崞州崞州齊和縣林格兩黎城高平各未
及秋後收莊地畝至四年麥熟後徵應完米豆並
年秋後收莊地畝至四年麥熟後徵應完米豆並
湖李義石樓右玉應州山陰垣曲州清水河托克托各民
人均緩至五年秋後徵應完米豆並
報均緩至五年秋後徵應完米豆並
曲原緩帶徵各錢糧元二兩年並太原徐溝臨汾介休薩拉齊
原緩帶徵各錢糧元二兩年並太原徐溝臨汾介休薩拉齊
米豆一律請免月內復奉

上諭本年山西河南兩省被災極重朝廷迭經截漕發帑賑恤

窮黎而宵旰焦思無時或釋現屆冬深京畿尙少雪澤該兩
省疆臣奏報得雪分寸不等亦未一律深透以後祚褻普被
春麥卽有補種之處而轉瞬卽屆上忙以饑饉餘生再事催
科深虞民力有所不逮所有山西河南兩省成災州縣應徵
光緒四年上忙正雜錢糧著普行蠲免以紓民力

光緒四年二月

上諭山西被災極重本年成災州縣上忙錢糧業經降旨普行蠲免惟自冬徂春雪澤稀少春麥尙未補種若將帶徵各項錢糧屆時照例開徵民力仍有未逮加恩著所有麥熟後應徵成災州縣分年帶徵及各州縣未被災並歉收各村莊著一律緩至光緒五年秋後再行啟徵以紓民力六月奉

上諭忻州黎城高平三州縣應完上忙錢糧一律緩至秋後察看情形再行啟徵七月

上諭平陽蒲州絳州絳州四府州並所屬各州縣應徵光緒四年下忙及從前奏準緩至五年秋後帶徵上年蠲餘錢糧著一律蠲免九月

上諭山西州縣上年被災既重本年雨澤甚稀收成歉薄所有徐溝交城汾陽平遙孝義甯鄉石樓鳳臺陽城沁水沁州武

鄉沁源永和蒲縣大甯各州縣應徵本年下忙錢糧一律蠲免月內復奉

上諭山西大震之後民困未蘇若將歷年帶徵各項錢糧照常徵收民力實有未逮加恩著所有陽曲太原榆次太谷祁縣徐溝交城文水長治長子屯留襄垣潞城黎城壺關汾陽孝義平遙介休石樓隰縣永甯州甯鄉山陰應州懷仁右玉朔州平魯鳳臺高平陽城陵川沁水遼州和順榆社沁州武鄉沁源平定州盂縣壽陽忻州代州霍州靈石趙城隰州大甯蒲縣永和薩拉齊清水河托克托城和林格爾各廳州縣未完分年帶徵蠲餘原緩民欠光緒三年正耗錢糧米豆租銀土鹽稅以及各該廳州縣暨平陽蒲州二府屬並解州絳州二州併屬民欠光緒二年以前歷年帶徵未完正耗錢糧米

豆租銀土鹽稅暨黎城高平忻州四年上忙緩至秋後徵收

錢糧著一律蠲免

光緒五年正月

上諭山西陽曲等三十廳州縣上年秋季復因被旱被水被雹

被霜成災應徵四年下忙錢糧加恩分別蠲免並減成徵收

以蘇民困丙戌災右縣薛家壑地十一頃分三

應免十村每免十分之八分地四項三頃五分

之四成災七分之地右縣薛家壑地十一頃分三

城等社四鄉地畝免十分之二項成災六分

七畝災五村分地畝免十分之二項成災六分

地畝災五村分地畝免十分之二項成災六分

分川縣四鄉地畝免十分之二項成災六分

百帶徵十三村太谷縣閻免三百五十五村臨縣閻邑長治縣四

鄉被新莊地保德州劉家底等被卷三十村趙城縣西
 崖等五村莊地保德州劉家底等被卷三十村趙城縣西
 南鄉早地併緩徵太原長子屯留襄垣遼州和順榆社霍
 成縣薄一城併陽州清水河廳未種荒地全遼州和順榆社霍
 州襄石趙城陽州清水河廳未種荒地全遼州和順榆社霍
 等莊五減三五成徵屯留成縣未種荒地全遼州和順榆社霍
 水鄉之旱地減三成徵屯留成縣未種荒地全遼州和順榆社霍
 清莊河均減三成徵屯留成縣未種荒地全遼州和順榆社霍
 村莊減一成徵屯留成縣未種荒地全遼州和順榆社霍
 一龍免徵其應減成徵屯留成縣未種荒地全遼州和順榆社霍
 賦其應徵米豆按一錢糧收處所如有盈完在官準抵次年
 致者米豆按一錢糧收處所如有盈完在官準抵次年
 一牛之數再照所減錢糧成數免下忙忙成免收者米豆亦
 併蠲免所減錢糧成數免下忙忙成免收者米豆亦
 選應免光緒五錢糧成數免下忙忙成免收者米豆亦
 豆土鹽稅屯租河灘地租分年帶徵又原石被災地款減米
 成徵納一併蠲免六月
 力完納一併蠲免六月

上諭山西自光緒三年辦賑以來所有各廳州縣倉穀近年因

災出借之項業經豁除其三年以前實欠在民者若照例徵

收不特民力未逮亦恐流亡各戶款項無著胥吏藉以擾民
轉滋流弊加恩著所有各廳州縣光緒三年以前歷次民借
倉穀無論何款凡實欠在民者均著一律豁免以恤窮黎七
月

上諭被災蠲免錢糧之各廳州縣應完四年土鹽稅銀並長治
縣三四兩年及歷年民欠學籍租穀一併蠲免九月

上諭山西平陽等屬頻年大祲之餘閭閻困苦本年春雨愆期
秋間頻遭積雨田禾歉收若將本年上下兩忙錢糧同時併
徵民力實有未逮加恩著平陽蒲州二府所屬並解絳兩州
併屬應完本年地丁錢糧其止忙已經完納者免其徵收下
忙其上忙未經完納者祇徵上忙所有下忙即著蠲免絳州
曲沃兩州縣未種荒地暨翼城汾西兩縣無主荒地下忙錢

糧並著蠲免芮城四鄉地畝除上忙錢糧業經蠲免外仍著徵收下忙一忙浮山縣闕境地畝下忙翼城縣甫經招佃之荒地應完下忙錢糧汾西縣甫經招墾之荒地應完上忙錢糧吉州襄陵鄉甯三州縣闕境地畝臨汾洪洞兩縣四鄉旱地太平縣四十八村莊地畝應完下忙錢糧河津垣曲兩縣四鄉荒地應完本年上下兩忙錢糧均著蠲免萬泉猗氏兩縣四鄉地畝太平縣東關一百四村地畝應完錢糧著徵足上忙一忙所有下忙錢糧均著蠲免曲沃一百十村莊地畝應完錢糧除徵收上忙七成外再徵下忙三成其餘下忙三成卽著蠲免以紓民困十二月

上諭山西前被旱災永濟等十一州縣情形尤重閭閻困苦元氣尙難遽復自應特沛恩施以紓民力所有永濟虞鄉解州

芮城平陸吉州汾西垣曲陽城沁水石樓十一州縣光緒六七兩年地丁錢糧除水地照常徵收外其餘均著徵收上忙下忙概行蠲免

謹案蠲賦之舉前代出於特恩我

朝視爲成例其恩蠲徧及行省者無預荒政茲不備述至遇災蠲賦或免或緩皆以被災輕重爲準立法爲最周又前代有田賦有口賦故除租與復役各別我朝則丁歸於地一律同蠲加恩亦最渥晉省以前偏災册籍無存凡蠲豁數目被災州縣類不能詳其有諭旨者則謹錄之軍興以後地稱完善又值屢豐特爲財賦之區饒需所出者且三十年用是歲無缺額鄙遠之民莫不踴躍輸將久且不知報災寬賦爲何事而

丁戊大禡兩年中乃蠲至四百餘萬其百萬穀石猶不與焉災後平蒲各屬又續蠲幾四十萬盛矣哉古未有痼瘵一體念切民瘼至此者宜乎子遺之民感

誦

皇仁欣戴於無暨也

右蠲緩

康熙六十一年左都御史朱軾奉

命賑饑山西奏請令富戶出資協同商人於南省販糴紳士能捐賑者並按所捐數優敘下部院會議行

乾隆二年

上諭國家昇平休養戶口繁滋生聚日多蓋藏未裕不可不豫為籌畫向有常平捐監之例後因浮費太多捐者甚少遂漸

次停止歸於戶部乾隆元年朕將捐款盡停而獨留捐監一條者蓋以士子讀書向上者日多留此以爲進身之路而所捐之費仍爲各省買穀散賑之用所降諭旨甚明今再四思維積穀原以備賑與其折銀交部至需用之時動帑採辦展轉後期不能應時給發曷若在各省捐納木色就近貯倉爲先事之備足濟小民之緩急乎去冬侍郎孫國璽從晉省回京請捐監事例移回本省朕降旨詢問該撫並諭他省不得援以爲例今思賑粟養民乃國家第一要務果於民生有益則當因時變通不必固執前議著各督撫據各省情形悉心妥議若事屬應行卽將如何定議定數之處詳議具奏尋議準照晉省通行於乾隆十年

詔停止十七年十月

上諭阿思哈奏稱山西蒲解等屬被旱偏災平陽紳衿耆庶人等捐輸銀兩就近解交河東道庫以爲加賑銀穀並散之用等語此奏殊爲卑鄙錯謬之至朕實駭聞直省偶遇偏災地方殷實之家樂善好施或自出家廩積貯或出資糴運米石散給貧民功令原所不禁惟具數報官量加優敘以爲閭閻任恤者勸耳並非斂資貯庫藉以助賑也國家賑濟蠲免重者數百萬兩少亦數十萬兩悉動庫帑正項從無顧惜富民所捐幾何貯庫助賑殊非體制此端一開則偏災之地貧民既苦艱食富戶又令出資國家撫恤災黎何忍出此深負朕病瘼一體之意阿思哈著交部嚴加議處所捐銀兩聽該紳衿等自行辦理

謹案輸粟助賑義本任恤其風甚古明代乃有義民

之旌入監之獎原以廣資衆力藉裕民食也

國家偶仿行之捐數多者準與優敘並聽於本省納監備賑不惜多方獎勵力不憚民然所敘止虛銜亦止行於被災省分其散匪聽民曰爲道光間蘇賑始奏定章程兩次開局至於事同籌餉照給實職同治中閩賑光緒中津賑始行之而設局推廣偏及他省則自丁戊晉賑始謹述其以前之有關於晉事者雖今昔事殊亦談掌故者所當知也

光緒三年六月巡撫曾奏晉省災區太廣賑費不敷請照天津上年賑饑成案勸辦捐輸以資接濟七月洗馬溫忠翰奏請在本省暨鄰省開設捐局專備救荒之用其捐例請照甘肅各例辦理並下部議尋議準於本省開局辦捐助賑九月

巡撫曾復以推廣外省捐輸並頒發執照各情懇奏

上諭山西現辦賑務需款甚鉅該撫請於直隸江蘇安徽湖北湖南廣東廣西四川浙江江西推廣捐輸以資接濟著照所請行其捐生應給獎敘卽由各該省督撫分案奏咨並著戶部頒給實職虛銜封典空白執照各二千張卽行發交山西俾資應用十月

上諭曾國荃奏山西全省被災本歲秋禾未收來年春麥未種停賑無期急須廣籌款項請令兩江總督飭兩淮巡司瓜棧及四省督銷局道在於西岸鄂岸湘岸各票商每大票捐銀二百兩皖岸小引每票捐銀四十兩均於兩箇月內湊齊等語該省現辦賑務需款甚鉅待用尤迫自屬實在情形著沈葆楨酌量勸諭各商量力捐輸俟捐有成數卽匯兌天津招

商局由李鴻章責成道員朱其昂等廣採糧石迅速轉運仍以餘銀分給山西由該省司道督率各局分途轉輸以應要需十二月戶部議覆刑部侍郎袁保恒吏科給事中郭從矩等奏豫晉兩省賑捐請收捐花翎藍翎應請照準所需空白執照由部繕辦分頒至道府州縣四項實官請準照照捐總局辦理捐至三班爲止所需空照應令河南山西兩省約計數目咨部繕齊分給統限以一年爲滿俟屆期卽由部奏明停止奉

旨依議旋經侍郎閻巡撫曾會奏擬請派各省司道大員總司山西捐事俾責任既專集款益速奉

旨卽著閻敬銘會同荃杏商各該將軍督撫等酌量調派妥速

辦理

原奏內稱前因晉省賑務需款甚鉅台請直隸總督李鴻章撥委記名臬司丁鴻昌兼辦道黎兆棠等在於

天津設局勸辦捐輸送我晉饑復經李樹章奏請
司王承基侯補道胡光瑞捐新江候補道朱其昂盛
道唐廷樞徐潤廣勸津滬捐誠所積市井咸旬日之
首先捐資為西商之倡至誠獨形年款亦何難力且
十萬以天津一倍之數人即年款亦何難力且捐名邦
物力念賢者但使經理得人年款亦何難力且捐名邦
丁日昌在廣東原籍督同惠潮嘉道張錫勳如福資助
香感孚已呼應未盡等往返商必須欵外慮事權非其
專屬竊恐大員總司相事庶資存攸歸事如指臂則捐
省司道大員總司相事庶資存攸歸事如指臂則捐者獨
闕廷司事者聚感激而思奮強史倚如指臂則捐者獨
將云云又同直隸總督李會葵申明晉省賑需收捐章程
以期捐輸踴躍速集巨款以活殘黎奉

旨著照所請戶部知道

光緒四年六月巡撫會奏請推廣捐輸再予展限一年奉

旨允行八月奏請仿照直隸章程派員赴歸綏七廳設局勸捐

牛馬以資耕作奉

旨著照所請卽由該撫分別知照辦理九月會同侍郎閻奏請
在河東一帶設立推廣新捐分局以資賑需奉

旨允行

光緒五年二月巡撫會奏晉賑捐輸遵

旨一律停止

賑册外省賑捐並推廣捐輸直隸總分各局共捐銀四百

九十二萬二千四百九十九兩七錢六分一釐

上海嘉興
並唐道真

詮所捐一
併在內江蘇捐銀九十二萬四千四百八十五兩五錢

九分八釐浙江捐銀三十九萬四千六百九十兩二錢四

分五釐山東捐銀五萬三千二百六十二兩二錢七釐安

徽捐銀二十八萬一千八百二十一兩六錢七分三釐福

建捐銀八千六百兩江西捐銀五十萬五千七百二十八

兩三錢七分二釐廣東捐銀四十七萬四千五百三十二兩四錢六分四川捐銀一百二十七萬二千一百六兩三錢雲南捐銀一萬六千兩貴州捐銀一萬三千一百三十一兩二錢湖南捐銀六萬二千六百四十七兩七分湖北捐銀四萬七千二百兩奉天捐銀四千兩係奉錦道景福捐通政使劉錦棠捐銀三千兩駐日本等國大臣等勸捐銀一萬二千五百四十五兩八錢七分本省各官捐銀五萬二千六百九十八兩二錢又錢一千九百五十千本省在京官捐銀四萬八百一十八兩二錢四分紳富捐銀一百九十萬三千九百二兩四錢八分六釐又錢二十七萬四千六百七千本省推廣捐輸銀五十七萬四千七百七兩八分八釐奉天捐糧三萬三千五百九十五石淮南捐糧一萬二

百九石江蘇捐糧一千二百八十石安徽捐糧七百二十石上海捐糧六百七十六石八斗浙江候補道朱其昂捐糧八十石前直隸提督劉銘傳捐糧一千三百六十六石六斗一升四合八勺前九江鎮總兵程文炳捐糧五百五十六石七斗三升本省官紳捐糧一萬五千五百七十七石六斗二升八合兩湖直隸捐絲衣二萬三千五百七十七件兩湖續捐絲衣二千五百四件外歸化城商民捐馬六百匹蒙古蘇呢特郡王之母索隆果特氏捐牛一百隻烏珠穆沁右翼親王浩齊特左翼郡王捐馬五百匹

謹案晉省捐輸惟咸豐初河東商捐至三百萬爲最多時閱二紀物力遠遜又當官賑未興一時紳富各保鄉里已踰半年其力能顧及一邑者本不多觀而

猶令挈其有餘以濟鄰邑之不足尤屬萬難然湊集之數幾與咸豐商捐相埒中如榆次太谷平遙介休諸縣於周恤本地之外猶能以捐款上輸司庫分潤他處其風義誠足多也至於外省捐助事屬創舉建議之始姑且試行而卒能匯成巨款兩年中凡採買轉運諸舉率取給於斯爲辦賑以來入款大宗實始願所不及也良山

皇上憫念災黎無微不至異數墜施感及臣庶曾忠襄以奮迅之略惻怛之誠凡有陳請無不立允又得合肥節相力爲主持廣設方略以應急需津局所集幾五百萬而各省司事者牛屬湘軍同事或卽舊部氣誼久孚以故同心齊力一呼四應或資未集而先墊解

或力不足而代設謀以至外洋咸樂解囊藩部亦願助耕江浙之間更有設區於市廣集零捐文士醫耆盡婦女投簪珥爲施者凡茲義舉振古未聞晉民又何幸而得之也故輸財之事例不詳及而此次賑捐特擬存大略存晉民之餘思亦實我

朝之盛事也

右捐助

康熙六十年九月奉差賑濟山西左都御史朱軾奏請於晉省建立社倉以備荒歉引泉溉田以興水利得

旨社倉之設始於朱子其言具載文集此法僅可行於小邑鄉村若奏爲定例屬於官吏施行於民無益前朕巡幸西省山陝地方山川形勢俱悉知之其地山多水少間有水泉亦不

能暢引溉田設果有灌注之水前人豈不知乎今朱軾以建立社倉引水入田具奏此事不必令他人辦理卽令伊久住山西鼓勵試行若所言有效甚善該部知道

謹案荒政善後自以倉儲水利爲經久之策然非大稔之後所能驟興辦者故文端亦以細加籌畫事屬難行覆奏

特令仍留山西試行尋以讞獄陝西去而社義諸倉至雍正乾隆中屢奉文通行水利卒無舉辦者

光緒五年六月

上諭山西頻年災重情形實爲近今所未有現雖得雨深透補種秋稼可望有收而一切賑撫事宜尙難稍緩朝廷宵旰焦勞尤刻刻以災區爲念捐例旣難展限豈可因小民稍有生

機送不力圖挂濟著照部議於部庫撥銀二十萬兩卽由該
撫迅速派員赴京領回以資應用仍恐不敷接濟著再撥山
東地丁銀三萬兩安徽江西兩省釐金銀各三萬兩湖北釐
金鹽釐銀各二萬兩湖南釐金銀二萬兩四川釐金津貼銀
二萬兩浙江廣東福建江蘇四省欠解山西錢項各提銀二
萬兩卽著各該省督撫迅速籌解濟不準稍有遲緩統計部庫
及各省共撥銀五十萬兩曾國荃陸續領到後卽將撫卹善
後諸大端督飭各屬認真籌辦務須實惠及民勿任稍有糜
費餘照所議辦理尋奏現在籌辦災區善後事宜請將捐輸
局改爲善後總局札飭各員將清查荒地併減丁糧發給牛
具籽種各事宜次第興辦七月

上諭會國荃奏贖陳山西目前要務一摺山西值茲大稔之後

閩閩瘡痍難復亟應將應辦事宜妥爲經畫以培民氣而救時艱該省荒地甚多應卽詳細清查招徠開墾會同荃現擬酌給貧民籽種至無人地畝準其族鄰或客民承種分別辦理如本戶歸來次年播種之時方許認回五年後本戶不歸卽由佃種之人承爲永業等語卽著督飭地方官實心籌辦務臻妥善我朝成憲將丁糧歸入地糧山西有未盡一律辦理之處著照所請按戶稽查將有丁之糧歸之於地並將缺額之丁無丁之糧核實酌減該撫卽派委員會同該管道府確切詳查奏明辦理該省徭役各屬攤派不同該撫所陳均減差徭以免此輕彼重並除虛糧認差之弊均著依議行卽嚴檄州縣不準藉端苛派如有擅索車馬支應者卽將舞弊之人照例治罪並將該管官參處至招集流亡籌補倉穀整

飭催務減裁練饒各事宜並著隨時妥籌次第舉行用副軫念民依至意

賑冊大設之後辦理善後招墾荒地以給發耕牛農具籽種三項爲最要故用款亦以三項爲最鉅而其清查荒地設法招墾皆由局酌給經費又東南各屬狼鼠爲災北路又有飛蝗入境均經嚴飭各屬選募獵戶壯丁兼派勇役實力搜捕其工食犒賞一切雜費亦從局備分途勸辦綜計自光緒五年六月至六年二月止除補贖倉穀用銀一百萬兩外支發各項銀一百七十九萬五千六百三十三兩有奇糧二萬二十五石有奇

清查荒地分別老荒新荒暫荒以水沖沙壓者名爲老荒錢糧永遠豁免其有地無主者名爲新荒準其族鄰或客

民承種分別辦理停徵三年如有本戶歸來俟次年播種之時方許認回儻五年後本戶不回卽爲佃種之人承爲永業至有主之田無力耕種名爲暫荒量給牛具籽種停徵二年計發各廳州縣貧民自備農具銀一十九萬四千七百兩購買籽種銀四十九萬二千八百兩牛力銀一十二萬五千兩其力能畜牛者則由歸化城包頭河南陝西等處採買耕牛散給各屬分賣共用牛價經費銀四十八萬三百七十兩有奇

牛馬均照原價減半牛分三等上等八兩所賣之銀卽由各屬備置農具散給貧民以資耕作

留養貧民收養幼孩周恤窮員並故員家屬寒士自光緒五年六月至六年二月均歸善後計省城三粥廠及育嬰堂共用經費銀一萬七千四百九十三兩有奇糧二萬二

十五石有奇外發各屬掩埋經費以及撲捕蝗蝻搜捕狼
雙田鼠各經費共銀四萬一千四百九十三兩

補買倉穀銀一百萬兩奏明立案由各縣隨時將穀價低
昂按時稟報酌發銀兩買穀填還限定三年籌補足額其
社義各倉俟年穀順成照章辦理

謹案此次查荒豁免老荒地一萬二千八百一十二
頃八十七畝其丁糧未盡歸入地畝之十五州縣俱
攤歸外豁免無主丁徭銀二萬二千三百一兩有奇
俱見田賦略其新荒之地計二萬二千七十六頃七
十畝至光緒八年未墾者尙一萬八十三頃六十四
畝有奇仍奏明招墾展限三年至光緒十二年仍未
盡墾復予展限乃責成州縣嚴定章程自是承墾者

頗多然類皆客民云

右善後